

1 Korinti

Yai zézé ac.

1 ¹Anutuac ewa siŋ niŋac Kristo Yesuac méliméli ic wammaŋ niŋac héihéré nénéŋa ni Paulo zéma neŋaŋ dacmunanina Sositene neren imi ²Korinti ama areŋa yandaiguc Anutuac hénaroiŋ, Kristo Yesuac qeriaiguc météré énécmimia, ic embac téréya zéénécmimia ini zéma baera baera séc, neŋaŋ Miŋ Kewu, onac zéma nonac Miŋ Kewu Kristo Yesuac qac buŋaya qac héhélima kecanzu momac yanda onac muru momacnec oénécmizic. ³Maŋgocnina Anutu zéma Miŋ Kewunina Yesu Kristo iorarunec ewa hia zéma luaenéh he énécmima kecmac.

Ewa hia ac.

⁴⁻⁶Kristoac héipuc wamma zéyiŋ ackuazéc iminéŋ kekecginaiguc seligima heyec. Heyu iwac qeriaiguc ai memeac buŋa zéma zéauauac kuha zéma niniŋa imuhucya moczoŋ yanda énécmiyu sécgé énécmima hezac. Heyu Kristo Yesuac qeriaiguc onac buŋa qeénécmiyec Anutuac ewa hiawac buŋa imuac niŋac wamma ni nalé séc onac niŋ wamma Anutu ewa hia ac ézéanzua. ⁷Hénia imuac niŋac ini qeri uŋawac sese méŋac méŋ météqététaŋ ménda wamma késa kecma Miŋ Kewunina Kristo Yesunéh winiŋu haénécmimac niŋ mambéc kecanzu. ⁸Anutunéh Miŋ Kewunina Yesu Kristoac hahayawac naléiguc képésic qahac solaŋa nammu niŋac meseli énécmiyunec kecgic nalé tetecgia hamac. ⁹Anutu imi méŋzé méŋzéya qahac, inéh mia ini naŋa Miŋ Kewunina Kristo Yesuguc ala kekec wammu niŋac unuruyec.

Hénaroiŋ eneŋ héndéŋamuma kecgic Paulonéh ac waŋ énécmiyec.

¹⁰Imuac bec, Dacmuna hécna, ni Miŋ Kewunina Yesu Kristoac qaciguc zéwelec énécmizua. Ini ac zéwiŋ zé hénia momacnec zému. Imuhuc wamma sugcinaiguc héndéh qéndéh qahac, néŋ ewa momaciguc zéma ewa siŋ momaciguc toroqe amuma kecmu. ¹¹Dacmuna hécna, sugcinaiguc ac zééh zémaya hicŋiyec hezac imi Koloeac hénia géséhéra ieneŋ zégic niŋi. ¹²Ni ac imi hénia yomuhuc niŋac zézu; Ini eŋac eŋac

yomuhuc zéanžu; Ni imi Pauloac ic. Ni imi Apoloac ic. Ni imi Kefawac^a ic. Ni imi Kristoac ic. ¹³Ini niŋgic, Kristonéŋ téma sasala wamma kecžu me? Paulo neŋ onac niŋac wamma ic héŋgeŋa wéndaraiguc humuyi me? Waŋu ini Paulo nuac qacnaiguc doku naecgic me?^b ¹⁴Ni nenaoc Krispo zéma Gaio iorac sac doku naec érécmima tosara doku ménda naec énécmiyi. Waŋu imuac mia deguc nimba hia waŋu, Anutu ewa hia ac ézézua. ¹⁵Méŋnéŋ méŋ ini nuac qacnaiguc doku naec énécmimia zéwu niŋac imuhuc ninzua. ¹⁶(Muŋguc nimba Sitefana iwac héna géséhéra imi acguc doku naec énécmiyi. Waŋu tosia méŋac méŋ doku naec énécmiyi me qahac imi ménda ninzua.) ¹⁷Kristonéŋ méli néŋec imi ic doku naec énécmimaŋ niŋac qahac, néŋ buŋa suruc hiabia énézémaŋ niŋac. Imuac mia, Kristoac ic héŋgeŋa wéndara imi eŋomia wambac niŋac zéma, nena niŋtegic qiŋtegic acnanéŋ ménda énézéanžua.

Kristo imi Anutuac Kuha zéma niŋtegic qiŋtegic acya wanžac.

¹⁸Imi mia hénia yomuhuc niŋac imuhuc waŋanzua; Ic héŋgeŋa wéndarawac buŋa suruc imi humucac héna tianžu ionac muru imi ac qelaŋa wanžac, néŋ kekec héla nénécmiyu aŋgéŋ tima kecanžij nonac muru imi Anutuac kuha waŋanzac. ¹⁹Imuac mia ac kiwi méŋ ooyawac hezac imuaru Anutonéŋ yomuhuc zézac; Ni ic niŋtegic qiŋtegic ginaguc ionac niŋtegic qiŋtegic ac imi qewa qahac wandacmac, waŋu niniŋ asac asariginaguc ionac niniŋ asac asarigina imi qewa madacmac.^c ²⁰Niŋtegic qiŋtegic ic imi dimia? Kiwi ic imi dimia? Nalé yomuac zézé ic imi dimia? Anutonéŋ baec yomuac niŋtegic qiŋtegic ac imi qeyu qelaŋa ménda wandaczac me? ²¹Anutuac niŋtegic qiŋtegic ac imi mia baec ic eŋaŋ niŋtegic qiŋtegicginanéŋ niŋasarimuac séc qahac. Imuac mia, Anutonéŋ buŋa suruc zéauauya imi héna qelaŋaiguc haima ninžéŋ ninžéŋ ic kekec héla mihicŋi énécmimaŋ zé nimma ségiségi waŋec. ²²Yuda ic eneŋ sésécac kiwi méréra niŋac zéwelec waŋgic. Girik ic ieneŋ niŋtegic qiŋtegic ac hénia hénia imuac niŋkewu waŋanzu. ²³Néŋ nini imi ic héŋgeŋa wéndaraiguc biriŋnéŋ qegic humuyec Kristo i zéau énécmianžij. Waŋu héna imuac Yuda ic ieneŋ niŋgic hoc éscnec héwétécgé énécmianžac. Waŋu ic enia ionac muru imi, héna qelaŋa éscnec waŋanzac. ²⁴Waŋu Yuda ic zéma Girik ic momacnec, héihéré énécmimia ionac muru imi Kristonéŋ Anutuac kuc zéma Anutuac niŋtegic qiŋtegicya waŋanzac. ²⁵Imi mia hénia yomuac niŋac; Anutuac qelaŋanéŋ baec ic ionac niŋtegic qiŋtegic imi ogicma eŋeŋa waŋanzac. Waŋu Anutuac bébélacgianéŋ baec ic ionac kucgina ogicma selia waŋanzac.

²⁶Dacmuna hécna, imuac mia nanaŋgina dimuhucyanec unuruyec imi hémma niŋtegicgic. Séwiac hénaiguc namma zéni, sucginaiguc niŋtegic

^a 1:12 Kefa imi Aram ac, Petero imi Girik ac, héniaŋira momacguc, neŋaŋ aciguc baja zézéya. ^b 1:13 Me kemaŋa 15 imuaru imuhucyanec. ^c 1:19 Yes 29:14

qĩŋtegić ic sasala qahac. Waŋu kucŋinaguc acguc sasala qahac. Waŋu ic eŋeŋa tuŋ yanda igucnec hićŋhićŋiya sasala qahac. ²⁷Waŋu Anutunéŋ baecac qelaŋa énépésima niŋtegić qĩŋtegić ic gamu qeqe mihicŋi énéćmianzac. Waŋu baecac bébélacgia énépésima ic kucŋinaguc imi gamu qeqe mihicŋi énéćmianzac. ²⁸Anutunéŋ baec yomuac ic mamaya zéma nenesic ic zéma ic maqeqeya imuhucya énépésima ic tosara imuhucyanec qahac imi wai énéćmianzac. ²⁹Imi mia baec ic méŋnéŋ méŋ Anutuac kiwaiguc séwi eŋeŋ wambac niŋac imuhuc waŋanzac. ³⁰Ini imi niŋtegić qĩŋtegićnina zéma haka solanjanina zéma météréac buŋanina zéma boŋ héréhéréac miŋina Kristo Anutuac murunec hahaya iwac qeriaiguc Anutuac murunec hićŋjima kecaŋzu. ³¹Imi mia ac ooyawac hezac séc ic méŋnéŋ mepé qepési ac méŋ zémanŋ zé Miŋ Kewuac qeriaiguc zému niŋac imuhuc waŋ nénéćmiyec.^d

Kristo ic héŋgeŋa wéndaraiguc humuyec imuac buŋa zéauauya.

2 ¹Dacmuna héćna ni onaru hama Anutuac ackuazéc énézéyi^e nalé imuaru nena acna me nena niŋtegić qĩŋtegićna mezeric qezeric wamma ménda énézéyi. ²Imi mia ni suginaiguc kecma iwawai tosara qahac, néŋ Yesu Kristo zéma biriŋnéŋ qegic ic héŋgeŋa wéndaraiguc humuyec imuacnec sac niŋareŋgémanŋ zé niŋseliyiac imuhuc waŋi. ³Waŋu suginaiguc bébélacgia wamma bac yandi yandi wamma zénéŋ hiri hiri wamma keri. ⁴Waŋu ac zézéna zéma ackuazéc zéauauiguc imi nalé yomuac niŋtegić qĩŋtegić ac méra qemimiawac séhanéŋ ménda naŋgéma zéyi, néŋ Uŋa Teréyawac winiwininiya zéma iwac kuhaguc énézéyi. ⁵Imi mia onac niŋzéŋ niŋzéŋginanéŋ ic onac niŋtegić qĩŋtegić aciguc qahac, néŋ Anutuac kuciguc sac héiseligima hemac niŋ imuhuc waŋi.

**Niŋtegić qĩŋtegić héla Anutu
arunec hahaya.**

⁶Waŋu nini imi yandima niŋzéŋ niŋzéŋ ic héla wamma keczu ionac suginaiguc imi niŋtegić qĩŋtegić acwac zéanziŋ. Waŋu imi mia baec yomuac niŋtegić qĩŋtegić zéma baec yomuac galeŋ ionac niŋtegić qĩŋtegićgina qahac, néŋ ⁷Anutuac niŋtegić qĩŋtegić sasangia imuac zéanziŋ. Imi mia musangéyu heyec, néŋ Anutunéŋ neŋaŋ edamu niŋac wamma baec kurumeŋ ménda hićŋjyocnec nalé hama keŋec imuaru zéseliyu heyec imi mia. ⁸Niŋtegić qĩŋtegić imi mia baecac galeŋ suginaiguc méŋnéŋ méŋ ménda niŋtegićrec. Niŋtegićbunec imi Miŋ

^d 1:31 Yer 9:24, Ac yomuac hénia imi iwawai tosara niŋac mepé qepési ménda wamiŋ, néŋ Miŋ Kewu nimmiŋiŋ imuac meyacma zéwiŋac hezac. ^e 2:1 Kiwi méraginanéŋ ooya tosaraiguc; Ni Anutuac ac saŋa zéau énéćmiyi.

Kewunina edamuyaguc imi ic héngeŋa wéndaraiguc ménda qewunec. ⁹Imi mia ac kiwi mén yomuhuc ooyawac hezac ésécnec; Anutunéh siŋ nimmianzu ionac niŋac wamma némaria mén walac mezerirecac hezac imi kicnéŋ ménda héhéŋa, gezacnéŋ ménda niniŋa, waŋu baec ic méŋac ewa qeri méŋnéŋ ménda niŋtegic qiŋtegira wanzac. ¹⁰Waŋu imuhucya imi Anutunéh ionac qahac, néŋ nonac muru Uŋa Téréyanéh nec mewinini nénécmiyec. Uŋa Téréya imi mia iwawai moczoŋ niŋtegicma Anutuac niniŋ qeyu hiŋgac hiŋgarawac séc niŋtegicanzac. ¹¹Ic méŋac hénia imi tosara qahac, néŋ uŋaya qeriaiguc keczac imi sac niŋzac. Hénia imuhucyanec Anutuac hénia imi acguc tosara qahac, néŋ Anutuac Uŋanéŋ sac niŋzac. ¹²Nini imi baecac uŋa imi ménda meyiŋ, néŋ nini sese Anutunéh ewa hiawac nénécmiyec imi niŋtegicbiŋ niŋac Uŋa Téréya Anutu arunec hahaya imi mema kecziŋ. ¹³Nini imuac mia zéauma baec icac niŋtegic qiŋtegicnéŋ ku nénécmimia imuacnec ménda mema zéanzíŋ, néŋ Uŋa téréyanéh ku nénécmiyec imuacnec mema zéanzíŋ. Iwawai Uŋa téréyawac murunec hahaya imi Uŋa téréyawac sesenéŋ méra nénécmiyu niŋtegicanzíŋ. ¹⁴Séwíac siŋiguc kecanzac imuhucyanéh iwawai Anutuac Uŋa téréyawac sese imuac niŋu qelaŋa tanec waŋu, ménda aŋgétianzac. Iwawai imuhucya imi Uŋaguc niŋgésimacac séc, imuac niŋac ic imuhucyanéh méndagucnec niŋtegicanzac. ¹⁵Ic Uŋa téréyagucnéŋ iwawai Anutu arunec hahaya imi moczoŋ hia niŋgésima aŋgétianzac, néŋ eŋeya imi gésigési aciguc ménda opocgic eŋanzac. ¹⁶Mérénéŋ Miŋ Kewuac ewa siŋ niŋtegicma hia kumimac me?^f Waŋu neŋaŋ imi Kristoac ewa siŋ imi aŋgétima kecziŋ.

Korinti hénaoŋiŋ imi héndéŋamuma kecgi.

3 ¹Dacmuna hécná ni ic embac Uŋa téréyaginaguc énézéanzua ésécnec onac énézémanŋ zé osizua. Imuac séwiguc kekec zéma Kristoac kokochéra énézéanzua ésécnec énézézua. ²Ini nene selia nemuac séc qahac kecaŋgic imuac niŋac ni nene selia ménda gumu énécmima namunec gumu énécmiaŋi. Deguc imuhucyanec séha ménda seligima kecanzu. ³Sucginaiguc nimbupuc waŋamuma méndéh amuma euqac wamma kecanzu imuac niŋ, ini éréma kecma deguc acguc séwíac siŋiguc kecanzu. Haka imuhucyawac wamma dimuhuc nini baec icac haka ménda niŋtohoanzíŋ hia zéwunec? Imi osiosiya. ⁴Ic méŋnéŋ ni Pauloac ic, duŋa ic méŋnéŋ ni Apoloac ic zéanzu. Imuac ini baec ic zéma ic eŋomia ménda keczu me? ⁵Imuhuc waŋkeczuiguc qesiénécmiwa acna meléŋgic. Apolo imi méré, néŋ Paulo ni imi méré? Niri imi Miŋ Kewuninanéh sécnira ai buŋa qenérécmiyu welenŋ qeqe sac kecma méra énécmizic ini Miŋ Kewu niŋzéhéŋa keczu. ⁶Ni héihimic wamba Apolo

^f 2:16 Yes 40:13

imi weric héwiŋ ai meyec.⁸ Waŋu Anutunéŋ meyandi énécmiyec. 7Imuac héihimic wawaŋa me weric héwiŋ wawaŋa imi eŋomia zézéya, néŋ meyandiyec Anutu iwac sac niŋgic eŋeŋa wammac. 8Héihimic wawaŋa zéma weric héwiŋ wawaŋa imi sécgira momacguc, ai meanzaoc séc ekac ekac boŋa érécmiyu memaocac hezac. 9Niri imi Anutuac mérahééra wamma i guc momacnec ai meanziŋ, néŋ ini imi Anutuac nene ai zéma Anutuac ama wanŋu.

¹⁰Ewa hiawac buŋa nuac néŋec séc meriqe ic niŋtegic qinŋtegicyaguc ésécnec neŋ ama baecya mindiŋiwa tecgéyu, tosranéŋ imuac qahaiguc ama miyacgéanŋu. Waŋu ama memu imi eneŋ dimuhuc mewiŋ imuac dindiŋanec niŋgésimu. ¹¹Baec qambaŋa neŋ héimindiŋiwa hezac imi mia Yesu Kristo, imuac méŋnéŋ méŋ imi waima méŋac héimindiŋi wammuc séc qahac. ¹²Waŋu baec qambaŋa imuac qahaiguc goli me siliwa me hoc eeyaguc me ic hésa me ic haréŋa me tomocnéŋ memuiŋuc, ¹³kecma imuac hénia imi nalé yandanéŋ hama mewininiyu hicŋitegicmac. Nalé imuaru imi geric bélaŋ yandanéŋ onoma aigina dimuhuc megic imuac hénia imi measarimac. ¹⁴Méŋac méŋ gericnéŋ zebipiŋu solananeŋ heyu bakia hia memu, néŋ ¹⁵méŋac méŋ gericnéŋ zema zedaru amaya qahac wammaciguc, eŋeya imi goiya héima aŋgéŋ timimac, néŋ geric igucnec metec metecgia tanec wammac. ¹⁶Ini Anutuac ocmuŋ téréya kecŋu imi zéma Anutuac Uŋa téréyanéŋ qeriginaiguc tacyac waŋanŋac imi ini ménda niŋyacgézu me? ¹⁷Anutuac ama imi téréya, imuac mia méŋnéŋ méŋ Anutuac ocmuŋ téréya imi mebirimac imi Anutunéŋ ic imi auyu qahac wammac. Ini imi ocmuŋ téréya wanŋu.

¹⁸Ini ikoc ménda waŋamumu. Onarunec méŋnéŋ eŋeya niŋac niŋu baec yomuac naléyaiguc niŋtegic qinŋtegic ic wanŋaciguc, memaamuma qelaŋa wammac. Walac imuhuc wammaguc niŋtegic qinŋtegic ic héla wammacac hezac. ¹⁹Baecac niŋtegic qinŋtegic imi Anutuac muru qelaŋa tanec wanŋac. Ac méŋ yomuhuc ooyawac hezac imuac niŋac imuhuc zézua;^h Inéŋ niŋtegic qinŋtegic ic imi eŋaŋ haka diwi qiwiliŋa iminéŋ bétac ésécnec haima énépésianŋac. ²⁰Méŋ imi yomuhuc, Miŋ Kewunéŋ niŋtegic qinŋtegic ic ionac ninij imuac niŋu haréŋa tanec waŋanŋac.ⁱ ²¹Iwawai moczoŋ yanda imi onac buŋa kecénécmizac, imuac niŋac baec ic onac niŋgic mepé qepésiginaguc ménda wammac. ²²Paulo me Apolo me Kefa me baec kurumeŋ me kekec me humuc me deguc kekeru me biaŋ hahaya imi moczoŋ onac buŋa. ²³Waŋu ini imi Kristoac buŋa, Kristo inéŋ Anutuac buŋa wanŋac.

Yesuac Méliméli ic ionac welen qeŋe ai.

4 ¹Ini nonac niŋac niŋgic Kristoac welen qeŋe ic zéma Anutuac ac saŋa imuac ai ic wambiŋac hezac. ²Waŋu ai buŋa késa kecŋu imi

§ 3:6 Girik aciguc; doku haimiyec. ^h 3:19 Yop 5:13 ⁱ 3:20 Leg 94:11

eneŋ ai imuac niŋkumuma keŋhéi hahéigina qahac memuac hezac. ³Waŋu ini me tosara nuac zégési néŋaŋgic imuac nimba héla yanda ménda wanʒac. Ni nenaoc acguc nena ménda zétecgé amuanʒua. ⁴Ni késpedesna ménŋ ménda niŋtegičanʒua, néŋ hakana imuhucya niŋac ic solaŋa zénénéŋa ménda hezac. Waŋu hia zétecgé némmacac hezac imi Miŋ Kewunina momacguc sac kecʒac. ⁵Imuac nalé yanda imi ménda hayunec, Miŋ Kewunéŋ ménda hayunec imi ménŋnéŋ ménŋ ic embac tosara ménda zégési énécmimu. Inéŋ hama siŋi tunumaŋguc musaŋ gégéya imi mewininima ewa qeriginaiguc ewa siŋ hezac imi mewininimac. Nalé imuaru Anutunéŋ ic embac eŋac eŋac mepési énécmiyu aŋgétimu.

⁶Ninʒéŋ ninʒéŋ dacmuna hécna, eŋaoc keŋkésa hakésa ménda wamma séwi eŋeŋ ménda wammu niŋac, ini ac ooyawac hezac imuac séŋgaŋgeŋgic ménda logima mamu zézéya imi nonac murunec nimma niŋareŋgému niŋac, ni méra énécmimaŋ zé ni zéma Apolo nekaŋ suruc wamma séséc acwac waŋ énécmizua. ⁷Mérénéŋ gési énécmima meyac énécmiyu séwi eŋeŋ waŋkeczu? Waŋu iwawai he énécmizac imuarunec ménda énécmimia ménŋnéŋ ménŋ hezac me? Qahacgucnec, mocʒoŋ énécmiyu késa kecma dimuhuc hénihénia igucnec eŋaŋ buŋawac heyecac ésécnec séwi eŋeŋ waŋkeczu? ⁸Ini mia bec tomeŋ qeqe waŋkeczu. Bec mériaŋ yandaguc waŋkeczu. Nini qahaciguc eŋacnec kecma ic kewu bec waŋkeczu. Nini imi iniguc momacnec ic kewu héla wamma kecbiŋ niŋac ini bec ic kewu héla wamma kecbunec zéma ninʒiŋ. ⁹Ni nimba Anutunéŋ Yesuac Méliméli ic nini humucac buŋa zétecgé nénécmimia tanec teteçgiaiguc nonoporu mamayagina wanʒiŋ. Waŋu nini imi baec kurumeŋgic kua meme uŋa zéma baec ic kicginaiguc ninicdesic wawaŋawac buŋa wanʒiŋ. ¹⁰Nini imi Kristoac niŋac wamma ic qelaŋa wanʒiŋ, néŋ ini imi Kristoac qeriaiguc niŋtegiç qinʒtegiç ginaguc wanʒu. Nini imi qeka meka wanʒiŋ, néŋ ini imi kucginaiguc wanʒu. Ini imi eebipiginaguc wanʒu, néŋ nini imi maqeqeya wanʒiŋ. ¹¹Hama éréma deguc imuac sura séc nini imi yaka doku niŋ humuma, séwi usu qahac nununesi waŋ nénécmiyu kiaŋ éséc kecanzij. ¹²Waŋu méraninanéŋ ai réwéria meanʒiŋ. Saec ac waŋ nénécmigic mozoc ac waŋ énécmianʒiŋ. Waŋu nununesi waŋ nénécmigic bisiqatéŋ waŋ énécmianʒiŋ. ¹³Waŋu zébiri qébiri waŋ nénécmigic ac bakia goigina héima waŋ énécmianʒiŋ. Érékecma deguc nini imi baec ic mocʒoŋ yanda ionac nenesic tanec wamma kecʒiŋ.

¹⁴Ni gamu qeqe waŋ énécmimaŋ zé kiwi yomi ménda oénécmizua, néŋ onac mia nambérac sorochécna zéma nimma pakeŋ ac waŋ énécmimaŋ zé oénécmizua. ¹⁵Kristoac qeriaiguc kiwi ic imi kileŋ kecʒu, néŋ sugcinaiguc hélacnec maŋgoc waŋ énécmianʒu imi sasala qahac. Waŋu neŋ imi Yesu Kristoac qeriaiguc buŋa suruc hiabia imi ku énécmima ini nena nambérac hécna ésécnec aʒi mema mihiçŋi énécmiyi. ¹⁶Imuac

ni zénaŋgé énécmizua. Waŋanzua imuac séciguc méndacma wamma kecmu. ¹⁷Ni hénia imuac niŋac wamma mia Miŋ Kewuac qeriaiguc nuac naŋ sorocna wamma keczac Timoteo imi mélimiwa onac muru hazac. Waŋu inéŋ mia Kristo Yesuac qeriaiguc haka waŋanzua imi zéma baera baera lelecgéma hénaoriŋ ama séc emma ku énécmianzua imuac mia héiqeli énécmimac. ¹⁸Onarunec tosianéŋ ni onac muru ménda hamaŋ éséc nimma séwi eŋeŋ wamma keczu, ¹⁹^{19a} néŋ Miŋ Kewunéŋ niŋu sécgéyu focdac onac muru hamaŋ. ²⁰Anutuac héŋgaleŋ ama areŋa yanda imi ac eŋomiaiguc ménda hezac, néŋ Uŋa téréyawac kuciguc hezac. ^{19b} Imuac niŋac ni hama séwi eŋeŋ ic ionac inictegicma acgina qahac, néŋ kucginaguc me qahac imi inictegicmaŋ zé ninzua. ²¹Ini dimuhuc waŋ énécmimaŋ niŋac ninzu? Hihilocguc hamaŋ me goi héihéi zéma ewa bénzéŋnéŋ ewa qerinaiguc sécgéŋeŋu hamaŋ?

**Kaiseroac hakanéŋ hénaoriŋ
mebiri énécmiyec.**

5 ¹Sucginaiguc kaisero haka hezac zégic niŋi. Waŋu kaisero imuhucya imi ic enia ionac sugcinaiguc acguc ménda heheya. Ic méŋnéŋ eŋeya maŋgocyawac iniŋa wagicma i guc kecanzac imuac mia zézua. ²Waŋu ini séwi eŋeŋ wamma keczu. Haka imuac ewa biric ménda wanzu. Haka imuhuc waŋec imi sugcina igucnec nesigic kembacnec, néŋ imuhuc ménda waŋkeczu. ³Ni séwinanéŋ lakec kecza, néŋ qeri uŋananéŋ iniguc kecma imuaru kecza séc, haka imi waŋec i bec zétecgémizua. ⁴Ini Miŋ Kewu Yesuac qaraiguc azorogic imuaru, ni acguc uŋananéŋ iniguc kecza. Miŋ Kewunina Yesuac kuc acguc imuaru keczac. ⁵Ic imi Biria miŋinawac mériaiguc waimimia waŋec. Imi mia séwiya imi humuqai wammac, néŋ uŋaya imi Miŋ Kewunina Yesuac nalé yandaiguc keckec mihiŋimac niŋac imuhuc wammimia waŋec. ⁶Séwi eŋeŋ waŋanzu imi haka hiabia qahac. Yis komodianéŋ falawa uha dokuyaguc imuac séc sécgéanzac imi ini ménda ninzu me? ⁷Ini hénia hénia igucnec yisginaguc qahac imuac deguc falawa uha qelia wambiŋ zéma, yis wahala imi giligic kendacmac. Naguc sacyaguc ogicma keŋkeŋa, kendoŋ imuac ramaya Kristonéŋ doenina mema humuyec. ⁸Imuac kendoŋac tacbiŋ niŋ, yis wahala qahac, yis biria zéma kai ziliweŋaguc qahac, saméŋ héla zéma solaŋa yisya qahac nema tacbiŋ.

⁹Kaisero ic iniguc mutu qutulaj ménda wammu niŋac nuac kiwiiguc oénécmiyi, ¹⁰néŋ ac imuac hénia imi baec yomuac kaisero ic me hémbaoc ic me seŋkoku ic me baniarawac mepé qepési ic imi méndagucnec ala wamma kecmu niŋac ménda zéyi. Imuhuc wambiŋ zé baec yomi waima keŋ humuni sécgémacac hezac imuac mia imuhuc zézua. ¹¹Imuhuc qahac, néŋ deguc oénécmizua imi yomuhuc; Ninzéŋ ninzéŋ dacmuna kecziŋ zéanzu ionac sugcinaiguc méŋnéŋ méŋ kaisero me hémbaoc me

baniarawac mepé qepési wawaŋa me zébiri qébiri wawaŋa me doku seli nene ic me seŋkowu wawaŋa iniguc imi mutu qutulaŋ ménda wamma yaka acguc momacnec ménda nemu. ¹²Ni ic enia keczu imi némaciguc zégési waŋ énécmiwinec? Imi osiosiya. Waŋu hénaoŋiŋ eŋaŋ sugginaiguc imi ménda niŋgési amumuac hezac me? ¹³Séŋgagewiŋ ic imi Anutunéŋ niŋgési énécmimac, néŋ biria meme ic imi mia eŋaŋ suggina igucnec nesimigic mama kemmac.

Hénaoŋiŋ sugginaiguc tualefic hicŋiyu dimuhuc wammu.

6 ¹Onac muru méŋnéŋ alaya méŋac kápésic ac késa kecmac imi météré ic ionac muru ménda zéhicŋjima kápésic ic ionac muru zéhicŋjima me? ²Météré icnéŋ baec ic zégési énécmimuac hezac imi ménda ninzu me? Baec séc ic embac moczoŋ zétecgé énécmimuac hezaciguc, ac ai efefiadac méŋ heyu hia ménda zétecgému me? ³Neŋaŋ imi kua meme uŋa zétecgéwiŋac hezac imi ini ménda ninzu me? Imuac baecac ara efefia imi eŋaoc hia niŋgési wammuac hezac.^j ⁴Imuac, baecac kekecguc ac méŋ hicŋiyu ini ic méŋ hénaoŋiŋ sugginaiguc niŋgic mamaya wanzac imuhucyanéŋ ara imi zétecgémac niŋac hia kumumimu me qahac?^k ⁵Ni gamugina nimmu niŋac ac imuhuc énézézua. Suggina igucnec ic méŋ niŋtegit qinŋtegitaguc dacmuna eŋaŋ ac hia zétecgémacac séc méŋ méndagucnec kecénécmizac me? ⁶Dacmuna ninzéŋ ninzéŋgiraguc néŋ aciguc opocamuwic zé ic ninzéŋ ninzéŋgina qahac ionac muru hia kemmac me? ⁷Ini eŋawunec aciguc opoc amugic kápésicgina winiŋu hicŋitegitrec. Imuac hénia imi ini bec momacnec aciguc maunuyu gamu qeqeginaguc wandaczu. Néwécgeŋa, kápésicgina eŋ bisigic hia wambacnec. Waŋu waigic ikoc icnéŋ iwawai onagiru hia wambacnec. ⁸Imuhuc ménda wamma ini haka biria waŋamuma ikoc wamma iwawai onagic amuanzu, néŋ imi eneŋ mia eŋaŋ ninzéŋ ninzéŋac dacmuna hécgina keczu. ⁹Ic birianéŋ Anutuac héŋgaleŋ ama areŋa yanda imi mératéc ménda memuac hezac imi ini ménda ninzu? Ikoc waŋ énécmiwu niŋac, kaisero ic me, baniara mepé qepési ic me sasaniŋiaiguc eu iniŋ hénia qelogilogi ic me, embac ala me ic alawac inicbaoc wawaŋa me, icnéŋ ic alayaguc kaisero wawaŋa me, ¹⁰kowu nene ic me hémbaoc ic me doku selinéŋ ewa soho wawaŋa me zébiri qébiri ic me diwi qiwiliŋ ic imuhucyanéŋ Anutuac héŋgaleŋ ama areŋa yanda imi mératéc memuac séc qahac. ¹¹Waŋu sugginaiguc ic imuhucya kecgic, néŋ Miŋ Kewu Yesu Kristoac qaraiguc neŋaŋ Anutuac Uŋa Téréyanéŋ zuac énécmima météré énécmima mesolaŋi énécmiyu keczu.

^j 6:3 Girik aciguc; Waŋu baec yomuac ara némac niŋac toroqema zéwiŋnec? ^k 6:4 Kiwi tosaraiguc; Hénaoŋiŋ sugginaiguc ic eŋomia méŋ hia kumumigic ara imuac zégésigési ic wammac.

Qeri séwigina imi Anutuac buɣa.

¹²Ni haka sasalanec wamman ɓé hia wammanɗac hezac, néŋ wamman ɓéc mocɓon méra némmacac ɓéc qahac. Haka sasalanec hia wammanɗac ɓénénéŋa, néŋ ni haka méŋnéŋ méŋ ménda waiwa méra bawu nopocmac. ¹³Nenenéŋ tomeŋac waŋu tomeŋnéŋ neneac wanzac, néŋ Anutunéŋ imi mocɓon metecgéyu qahac wammac. Séwinina imi kaiseroac ménda hezac, néŋ imi mia Miŋ Kewuninawac heyu, Miŋ Kewunina imi mia séwininawac galen kecaŋzac. ¹⁴Anutunéŋ Miŋ Kewunina humuc igucnec meqeliyec. Waŋu iwac kuhanéŋ neŋaŋ muŋguc meqeli nénécmimac. ¹⁵Séwigina imi Kristoac séwi tasia wanzac imi ménda ninzu? Waŋu Kristoac séwi tasia iminéŋ dimuhuc melenɗic héna yanda embacac séwi tasia wammac? Qahac téŋgéŋ. ¹⁶Héna yanda embacguc toro qemaciguc i guc séwi momacguc wammaocac hezac imi ménda ninzu? Yomuhuc ooyawac hezac; Éréhécnéŋ séwi momacguc wammaoc.¹ ¹⁷Imuac bec Miŋ Kewuguc toroqemac imi i guc uŋa momacguc wamma kecmaoc. ¹⁸Kaisero haka imuac qizizihgéma kecmu. Képésic waŋanzu sasala imi séwi busuninawac séŋgaŋgeŋ hezac, néŋ kaisero icnéŋ eŋeya séwiac képésic wanzac. ¹⁹Waŋu séwigina imi eŋac eŋac qeriginaiguc kecaŋzac Uŋa téréya Anutuac murunec hahaya iwac ocmuŋ téréya wanzac imi ménda ninzu? Ini imi séwiginawac miŋina qahac. ²⁰Ini imi boŋhérégina meénécmimia wanzac. Imuac séwiginanéŋ Anutu ee héihéi wammimu.

Ƶammaréŋ memeac héna ac.

7 ¹Acŋina kiwiiguc oma néŋɗic imuac ɓéwa niŋɗic; Ic méŋnéŋ embac ménda mema kecmac imi hia, ²néŋ kaiseroac manam batuc hezac, imuac niŋ ic ɓéc embac mema kecmu. Waŋu embac ɓéc ic mema kecmu. ³Waŋu icnéŋ eŋeya séwiya imi iniŋa ménda aŋgéŋ timimac. Embac acguc euya imuhucnec ménda wammimac. ⁴Iniŋa imi eŋeya séwiyawac miŋ maŋgocya qahac, néŋ euyanéŋ imuac miŋina wanzac. Euya imuhucyanec eŋeya séwiyawac miŋ maŋgocya qahac, néŋ iniŋanéŋ imuac miŋina wanzac. ⁵Eŋaŋ séwigina iniŋina me euginawac eŋ ménda aŋgéŋ tiénécmigic. Ƶéwelec welecac efima nalé titiŋa mihiŋiwiŋ niŋac walac ɓéeminiŋ wamma imuhuc waŋɗic tecgéyu muŋguc toroqe amumu iminéŋ hia wammac. Eŋaŋ ewa siŋgina helanɓi amugic, Biriya miŋinanéŋ batucgé énécmiwac niŋac. ⁶Waŋu ac imi qenaŋgé wamma ɓézua, néŋ ménda ɓéseli énécmizua. ⁷Ic mocɓon nec ni éséc nec wamma kecmu niŋac wanzua. Néŋ icya icya eŋeya sese Anutuac murunec hahaya késa kecɓac. Méŋnéŋ méŋac késa keru méŋnéŋ méŋac késa kecɓac.

⁸Ic embac ménda meamuma kecaŋzu ɓéma embac malé ionac mia yomuhuc ɓézua; Ieneŋ ni éséc kecgic hia wammac. ⁹Eŋ kecgic séwiac

¹ 6:16 Hén 2:24

siŋginanéŋ geric bélaŋa ésécnec onoyu hiabia qahac wammac. Sécgina imuhuc wanzaciguc eu iniŋ meamuma kecgc sécgémac. Imuac niŋac séwiac siŋgina helanŋi amuwinaŋac séc qahac waŋu ic embac meamuma kecmu. ¹⁰Ŷammaréŋ meamuma kecŋu onac mia yomuhuc zéseli énécmizua; (Ŷézé seli ac yomi nuarunec qahac néŋ Miŋ Kewuarunec.) Embac imi icyawac murunec waimimia ménda wammac. ¹¹(Néŋ waimimia wammaciguc ic ménŋ ménda mema eŋ kecmac me euyawac muru muŋguc luae mihicŋi mimia waŋu toroqemac.) Waŋu icnéŋ imuhucyanec iniŋa ménda waimimac. ¹²Ac yomi mia tosia ionac énézéŋua; (Waŋu ac yomi nuarunec, néŋ Miŋ Kewuarunec qahac.) Ninzéŋ ninzéŋ dacmuna ménŋac muru iniŋa ménŋ Miŋ Kewu ménda ninzéŋgéma kecma euyaguc momacnec kecmac niŋ ewa siŋ hemiyu iniŋa imi ménda waimimac. ¹³Waŋu embac ménŋac muru euya ménŋ Miŋ Kewu ménda ninzéŋgéma kecma iniŋaguc kecmaŋ zé ewa siŋ hemiyu euya imi ménda waimimac. ¹⁴Euya Miŋ Kewu ménda ninzéŋgéma kecŋac imi iniŋawac ninzéŋ ninzéŋanéŋ métérémmimac. Waŋu iniŋa ménda ninzéŋgéma kecŋac imi euyawac ninzéŋ ninzéŋanéŋ métérémmimac. Qahac wambacnec nambérac hécgina acguc solaŋa ménda wambunec, néŋ deguc solaŋa kecgc nambérac hécgina imuhucyanec solaŋa kecŋu. ¹⁵Néŋ ménda ninzéŋgéma kecânŋu ionac suginaiguc eu iniŋ ménŋnéŋ wai amumaociguc wai érécmigic imuhuc wammaoc. Ic me embac imuhucya imi zézé seli iminéŋ ménda ziki énécmizac. Néŋ ini imi Anutunéŋ luaeguc héihéré énécmiyec. ¹⁶Imi mia embac gi Anutunéŋ euga kekec héla mihicŋi mimac me qahac imi ménda ninŋaŋ. Ic gi imuhucyanec Anutunéŋ iniŋa kekec héla mihicŋi mimac me qahac imi ménda ninŋaŋ. Imuac siŋginawac ménda wammu.

¹⁷Néŋ Miŋ Kewunéŋ icya embacya séc ewa hiawac buŋa méndéŋ énécmiyec imuac séciguc héna imuac me imuac unuruyec séc téŋgéŋ méndacma wammu. Ni hénaoriŋ ama séc imuhuc zéseli énécmianŋua. ¹⁸Séwiiguc séwi tasé heric heriraguc keru Miŋ Kewunéŋ hérémiyeciguc séwi tasé hericheric haka waimac niŋ ménda zénaŋgémimu. Waŋu séwi tasé hericheric qahac keru Miŋ Kewunéŋ hérémiyeciguc séwi tasé hericheric memac niŋ ménda zénaŋgémimu. ¹⁹Séwi tasé herichericguc kekec me séwi tasé hericheric qahac kekec iminéŋ héla qahac, Anutuac héna acwac niŋtohoma kekec iminéŋ mia héla wanzac. ²⁰Imuac niŋ nanaŋ imuaru me imuaru naŋu Miŋ Kewunéŋ héihéré miyeciguc nanaŋ imuacnec naŋkecmac. ²¹Gi welenŋ qeqe kecnanec héihéré géŋjeciguc niŋna iminéŋ réwériga ménda wammac. Waŋu kekec ziki sipacya qahac mihicŋiwésémaŋ imuac héna ménŋ béréŋgé géŋu efima kekec ziki sipacya qahac imi hia mihicŋiwésémaŋ. ²²Welenŋ qeqe ic kerunec Miŋ Kewuac qeriaiguc héihéré mimia wanzac imi welenŋ qeqe kecŋac, néŋ deguc Miŋ Kewuac buŋa wamma kecŋac. Héna imuhucyanec miŋ maŋgoc kerunec

héihéré mimia waŋec imi miŋ maŋgoc waŋzac, néŋ Kristoac welen qeŋe ic waŋecac keczac. ²³Ini bec boŋgina memeya imuac niŋ ic onac welen qeŋe ménda kecmu. ²⁴Dacmuna hécna, méŋnéŋ méŋ héihéré mimia waŋec nalé imuaru arené méŋac méŋ naŋkerec arené imuarunec namma Anutuguc momacnec kecmaoc.

**Embac seraŋa zéma embac
malé ionac pakeŋ ac.**

²⁵Embac seraŋa ionac Miŋ Kewuac ackuažéc méŋ ménda késa kecza. Waŋu Miŋ Kewunéŋ ewa biric niŋnéŋu méŋžé méŋžéna qahac kecanzua nenaoc mia nena niniŋnawac zéwa niŋgic. ²⁶Neŋ nimba nalé zéra waiyayaguc yomuac niŋac ic méŋnéŋ keczac imuhucyanec kecmac iminéŋ hia wammac. ²⁷Imuac gi embacgaguc dérécgé érécmimiawac keczaciguc ménda waiwésémaŋ. Waŋu gi embac qahac solaŋanec keczaniŋguc embac memaŋ zé ménda nimbésémaŋ. ²⁸Embac memaŋ zé mewésémaŋiguc iminéŋ késpedesic ménda wammac. Waŋu embac seraŋa méŋnéŋ ic memaciguc imi acguc késpedesic ménda wammac. Waŋu imuhucya ieneŋ kekecginaiguc yéwéri sasala mihicŋimu. Imuac niŋ ni aŋgéŋ tiénécmimaŋ zé imuhuc zézua. ²⁹Alahécna ac yomi zéwa niŋgic; Nalé meducŋiyu hotoŋadac hezac, imuac niŋ ic tosara embacŋinaguc ieneŋ embac qahac ésécnec kecmu. ³⁰Waŋu siacanžu imi eneŋ zésiaccina qahac ésécnec kecmu. Waŋu ségiségi waŋanzu imi eneŋ ségiségigina qahac ésécnec kecmu. Waŋu iwawai boŋ meanzu imi eneŋ iwawaigina qahac ésécnec kecmu. ³¹Baecac iwawainéŋ ai meanzu imi eneŋ, niŋgic imi ménda he énécmizac ésécnec wammac. Baec kurumeŋ deguc hénžu imi hama keŋu qahac wandacmac imuac mia. ³²Eneŋ mia iwawai omaya imuac mia niŋ éréhéc ménda wamma kecmu niŋac nimma zézua. Ic méŋ iniŋa qahac keczac inéŋ Miŋ Kewuac ai niŋac niŋ goro wamma dimuhuc wamma Miŋ Kewu ségiségi mihicŋi mimaŋ zéma nimmac. ³³Iniŋagucnéŋ mia dimuhuc wamma iniŋa ségiségi mihicŋi mimaŋ zéma baecac iwawai niŋac niŋgumbi niŋguŋ waŋanzac. ³⁴Waŋu ewaya téma éréhéc waŋanzac. Waŋu embac seraŋa me embac ic ménda mema kekera méŋnéŋ Miŋ Kewuac ai niŋac niŋgumbi niŋguŋ wamma eŋeya séwi uŋaya momacnec Miŋ kewuac buŋa haimac, néŋ embac icyagucnéŋ dimuhuc wamma euya ségiségi mihicŋi mimaŋ zéma baecac iwawai niŋac niŋgumbi niŋguŋ waŋanzac. ³⁵Žiki énécmimaŋ niŋac ménda zézua, néŋ ini solaŋanec kecmu niŋac ac yomi énéžéza. Ini solaŋanec kecma ewagina ménda héséŋunec Miŋ Kewuac howiacnec kekecgina haimimu niŋac imuhuc zézua.

³⁶Ic méŋnéŋ embac seraŋa eŋeya buŋa qemimia hemiyuguc haka dindiŋanec ménda wammianzac tanec waŋzaciguc, waŋu embac buŋaya imi zammaréŋ naléya ogicma embac yanda wamma keczaciguc imi

ewa siŋa méndacma hia memac. Imi mia késpedes qahac. Iereŋ imi kileŋ meamumaoac hezac. ³⁷Waŋu ic méŋnéŋ ewayanéŋ nimma embac imi ménda memaŋ zé niŋ seligizaciguc, waŋu kileŋ memac niŋac iwawai méŋ ménda hinocgézaciguc, waŋu eŋeya séwíac siŋa imi hélanzi amumac ac séc kuha hemiyu ménda memaŋ zé ewaya zikizaciguc, imi acguc hia wanžac. ³⁸Imuac embac seraja mezac imi haka hia wanžac, néŋ embac ménda mezac imi haka séc méŋ ogicma hia wanžac.

³⁹Embac méŋ imi euyanéŋ kekecguc kecmac séc hésa qatéyaguc wanžac. Euya humuyu ic méŋ me méŋ memaŋ zé wammaciguc imi hia memac, néŋ Miŋ kewuac ewa siŋiguc wammac. ⁴⁰Niniŋnaiguc imi eu qahac imuhucnec kecmac imi séc méŋ ogicma ségiségiyaguc wammac. Waŋu ni nimba Anutuac Uŋa Téréya imi nuac muru acguc henénžac imuac niŋac ac imi nuarunec sac qahac.

Baniarawac ohaihaiyawac ara.

8 ¹Baniarawac ireha imuac mulu haimimia imi hénia nindacma kecziŋ imi niŋyacgéma kecziŋ. Waŋu niniŋ imi tétéc qequeac haka mihicŋianžac, néŋ goi héihéi iminéŋ qenanžéac haka mihicŋianžac. ²Méŋnéŋ méŋ eŋeya niŋac niŋu niniŋaguc wammac imi, ac niŋasarimacac hezac imi ménda niŋasarimanec kecžac. ³Waŋu méŋnéŋ méŋ Anutu goi héihéi wammianžac imi Anutunéŋ nimmianžac. ⁴Imuac olémbaŋ baniarawac ireha imuac buŋa haihaiya imi mema neanžu imuac mia yomuhuc zéma ninziŋ; Baniarawac ireha baec kurumeŋiguc hezac imi moczoŋ eŋomia. Anutu imi méŋ qahac, néŋ momacguc sac kecžac. ⁵Baec me kurumeŋiguc anutu zéénécmimia sasala hezac imi hélacnec. Anutu sasala miŋ kewu sasala kecžu zézéya, ⁶néŋ kileŋ neŋaŋ muru imi Anutu momacguc Maŋgocnina sac kecnénécmizac. Iwarunec mia iwawai momac yanda hicŋidarec. Waŋu neŋaŋ iwac wamma kecanziŋ. Waŋu imuacnec Miŋ Kewunina Kristo Yesu momacguc sac kecžac. Waŋu inéŋnec iwawai momac yanda mihicŋi énécmiyu kecgic neŋaŋ acguc iwacnec kecanziŋ.

⁷Néŋ niniŋ imuhucya imi ic séc ménda késa kecžu. Imuac niŋac ic tosia ieneŋ baniarawac ireha imuac niŋaŋgic séc nimmanec kecma nene newiŋ zé, yomi baniarawac ohaihaiya gezaŋ, zéma niŋ éréhécguc wamma negic eŋaŋ ewa qerigananéŋ kuc mama wamma zapi qeanzac. ⁸Yaka neneac hakanéŋ nonagiru Anutu hosucgéwiŋac séc qahac. Ménda newiŋiguc séc méŋ ogicma biriwiŋac séc ménda hezac. Imuhucyanec newiŋiguc séc méŋ ogicma hiaruwiŋac séc ménda hezac. ⁹Néŋ técgina nimma kecmu. Ewa éréhéc ménda wamma ewa siŋginawac séc wamma megic haka iminéŋ alahécgina bébélacgia tosara méwétécgé énécmiwac niŋac. ¹⁰Gi niniŋaguc néŋ baniarawac ireha imuac ocmuŋ qeriaiguc nene saméŋa nema tacna, ic ninžéŋ ninžéŋa bébélacgia méŋnéŋ méŋ imuhuc gémma

kuc mema baniarawac ireha imuac nene saméj imi efima mema newac niᶓac. ¹¹Haka imuhuc hicᶓimaciguc imi guac nininganéj ninzéj ninzéj bébélacgia dactmunaga Kristonéj wammima humuyec i mebirimac. ¹²Gi mia imuhuc ninzéj ninzéj dactmunaga bébélacgia ewa qeriaiguc wizi ésécnec héniᶓ géwésémaᶓ iguc imi Kristo kápésic wammizaj ésécnec wammac. ¹³Imuac nenenéj ninzéj ninzéj dactmunana méj méwécécgé mimaciguc, ni yaᶓ busia méndagucnec nema dactmuna imi qonzontoj gégéya ménda mihicᶓi mima kecba nalé tetcgia hamac.

**Yesuac Méliméli ic ionac
nanaᶓgina.**

9 ¹Ini niᶓgic, ni ziki sipacnaguc kecᶓua me? Ni Yesuac Méliméli ic ménda wanᶓua me? Ni Miᶓ Kewunina Yesu ménda héjᶓi me? Miᶓ Kewuninawac qeriaiguc ainawac héla hicᶓima kecanᶓu imi ini qahac me? ²Ini mia Miᶓ Kewuninawac qeriaiguc Yesuac Méliméli ic ai buᶓanawac asé kiwi tanecac hicᶓima kecanᶓu. Imuac niᶓac ni ic embac tosia ionac muru imi Yesuac Méliméli ic ménda gezaᶓ kecbiac, néj onac imi Yesuac Méliméli ic hélawac kecanᶓua.

³Zégési waᶓnéᶓanᶓu ionac mia yomuhuc zéma saiwa acna waᶓ énécmizua; ⁴Niri nene doku newicac qac buᶓa méj ménda zénérec mimiwac kecᶓic me? ⁵Yesuac Méliméli ic tosia zéma Miᶓ Kewuac munahéra zéma Kefa ieneᶓ imi iniᶓhécgina kecénécmigic ai meanᶓu. Waᶓu nini imi imuhucyanec wamma kecbiᶓ zé qac buᶓa ménda zé nénécmimia wac kecᶓiᶓ me? ⁶Waᶓu ni zéma Banaba niri sac séwiguc kekecac ai waima Anutuac ai sac mewic niᶓac qac buᶓa ménda zénérec mimiwac kecᶓic me? ⁷Waᶓu mérénéj téᶓᶓiᶓ ic kecma eᶓeya soukiwa kiricma welenᶓ qemac? Waᶓu mérénéj waiᶓ ic himicma imuac gocmia méj ménda menec wammac? Waᶓu mérénéj rama inicgaleᶓ wamma ionac namu késanec ménda wammac? ⁸Ni ac imi baec icac nanaᶓiguc namma zéᶓua me? Héna ac acguc imi ménda zéhicᶓizac me? ⁹Moseac héna aciguc ac méj yomuhuc hezac imuac mia imuhuc zéᶓua; Burumakao méᶓnéj padi gocmia tiziᶓama séwéla qétimaciguc ufcinéj kuaya ménda osomu, néj waigic nemac. Ini niᶓgic, Anutunéj burumakao ionac niᶓac ewa goro wanᶓac me? ¹⁰Moczoj ic neᶓaᶓ niᶓac ménda zéyec me? Hélacnec, imi mia ic neᶓaᶓ niᶓac imuhuc ooyawac hezac. Imuac niᶓac ai patoma kecᶓac inéj héla niᶓac niᶓkumuma patomac. Waᶓu metocgézac i acguc nena buᶓa henémmac zéma niᶓkumuma metocgo wammac. ¹¹Nini onaru qeri uᶓawac iwawai himiriᶓ. Waᶓu ic imuhucyanéj onarunec séwiac iwawai mewiᶓiguc, niᶓgic sécnina ogicma kuneᶓ yanda meziᶓ tanec wammac me? ¹²Tosia ieneᶓ onarunec séwiac iwawai imi memu niᶓac zéénécmimia waᶓu niri imi imuac séc imi ogicma kileᶓ imuhuc hia wambicac hezac, néj Kristoac buᶓa

suruc hiabia imi neuja qahac saima kemmac niŋ wamma qac buja zénérécmyec séc ménda wamma imuac me imuac osimaguc kileŋ yéwéri imi bisiqatéŋ wamma kecanzic. ¹³Ocmuŋ téréyaiguc ai meanzu imi eneŋ ocmuŋ téréya imuaru nene mihicŋima neanzu. Waŋu zaki téréyaiguc welen qeqe ai meanzu imi eneŋ zaki téréya imuac buja haihaiya imi sécgina séc meanzu imi ini ménda ninzu? ¹⁴Héna imuhucyanec Miŋ Kewuninanéŋ yomuhuc zéma zéseli nénécmiyec; Buja suruc hiabia zézé ic imi eneŋ buja suruc zézé ai iminéŋnec séwiginawac kekec qenanŋgé wamma kecmu. ¹⁵Waŋu ni wawaŋawac séc me memeyawac séc imuhucya imuhucya méŋ ménda wamma meanzua. Ac imuhuc zéma oénécmyzua imi mia ini imuac séciguc waŋ némmu niŋac ménda zézua. Qahacgucnec, osima humumaŋ zé hia humumaŋ, néŋ iwawai méŋac méŋ ménda zéwelec énécmimaŋ. Imuhuc wambinec méŋnéŋ méŋ iwawai zéhiaruanzua imi mematiti wambac niŋac. ¹⁶Ai imi mia nuac qacnaiguc hainénéŋa, imuac niŋac hetecgémaŋac séc qahac. Buja suruc hiabia imi ménda zéau énécmimaŋiguc imi saecnaguc wammaŋ. Hénia imuac niŋac, buja suruc hiabia zéauanzua hakana imuac mia zéhiaru amumaŋac séc qahac. ¹⁷Ni ai imi nena ewa siŋnawac mewinec kecma imuac bakia mewinec, néŋ nena ewa siŋnawac qahac, néŋ niŋkinzézé waŋ némma ai buja zénénéŋa iwac mia meanzua. ¹⁸Imuac ainawac bakia imi némac? Ni buja suruc hiabia zéau énécmianzaŋa séc boŋteŋic zéau énémima buja suruc hiabia imuaru héima namma haka méŋac méŋ wawaŋawac séc bujana qenéŋec imi méŋ ménda aŋgétianzaŋa. Waŋu ai meanzua iminéŋ mia ainawac boŋa wanzac.

¹⁹Ni ic momac yanda ionac muru taséna qahac solaŋanec kecanzua, néŋ ogicma sasala énépésimaŋ zé kileŋ welen qeqeginawac opocamuma kecanzua. ²⁰Yuda ic ionac muru imi Yuda ic tanec waŋi imi Yuda ic énépésimaŋ zé imuhuc waŋi. Waŋu héna acwac méra bawaiguc kecanzu ionac muru imi ni héna acac bawaiguc ménda kecanzua, néŋ ic héna acwac bawaiguc kekera ésécnec waŋi imi, héna acac méra baciguc keczu imi énépésimaŋ zé imuhuc waŋi. ²¹Ic enia kecanzu ionac muru imi ni héna ac qahac ménda kecma néwécgeŋa Kristoac héna ac imuac méra bacyaiguc kecanzua, néŋ ic héna ac qahac kecanzu ionac tanec waŋi imi, ic héna ac qahac imi énépésimaŋ zé imuhuc waŋi. ²²Ic ninzézé ninzézéŋgina bébélacgia ionac muru imi ic ninzézé ninzézé bébélacgia tanec waŋi imi, ic ninzézé ninzézé bébélacgia énépésimaŋ zé imuhuc waŋi. Ic hénia hénia ionac muru ic hénia hénia tanec waŋi imi, tosara aŋgézéŋgina timaŋ zé imuhuc me imuhuc waŋi. ²³Ni buja suruc hiabia imuac wamma haka hénia hénia méndacma waŋanzaŋa imi, ni nenaoc acguc buja suruc hiabia imuac héla imi ic embac tosara iniguc momacnec memaŋ zé imuhuc waŋanzaŋa.

²⁴Sombenŋ yandaiguc nogicna gogicba aria wamma moczoŋ usuhŋnec keŋanzaŋa, néŋ sucgina igucnec momacguc sac onogicma bakia meanzac

imi ini ménda niŋtegiŋzu? Ini aŋuc bakia mewiy zé imuhuc usuŋnec kemmu. ²⁵Ariac ic eney onogicbiŋ zé sigi hénia hénia kecaŋzu. Waŋu imi eney zuŋzariŋ miŋicmiŋicya houmacac hezac imuhucyawac orucginaiguc haimimu niŋac wamma imuhuc waŋanŋu, néŋ neŋaŋ mia iwawai ménda houhouyawac mewiy zé imuhuc waŋanŋiŋ. ²⁶Hénia imuac niŋac ni nenaoc hénia hezac imi ménda héŋtegiŋma sicsaoc ménda keŋanŋua. Waŋu ni zika qemaŋ zé sawaiguc méragina sicsaoc gilianŋu ésécnec ménda qeaŋzua. ²⁷Néŋ ni ic tosara onac ackuaŋzéc zéau énécmima kecma nena gorosoŋa wambi niŋac séwinanéŋ welenŋ qeqe kecmaŋ niŋ imuac siŋa qewa hiŋgaru kecaŋzua.

**Pakeŋ ac Israel ionac wawaŋ
meme igucnec hahaya.**

10 ¹Alahécna, ini iwawai yomi ménda niŋasarimanec kecmu niŋac ménda waŋzua. Esaŋ ambéc hécnina ieneŋ moczoŋ hosusuac amiaiguc kemmu konduŋ doku namuŋaiguc qericma keŋgic. ²Waŋu moczoŋ Mosearu toroqegic hosusu zéma konduŋ doku qeriaiguc naec énécmiyec. ³Waŋu nene téréya imuhucyanec nema kecgic. ⁴Waŋu ieneŋ imi, Kristo qeri uŋawac zamanŋiŋ kecaŋzac inéŋ méndac énécmiyu zamanŋiŋ imuacnec mia qeri uŋawac doku imuhucyanec nema kecgic. ⁵Néŋ kileŋ, ionarunec zaŋgégina moczoŋnec séc ionac imi Anutunéŋ ségiségi ménda wamma baec kéra kérasiaiguc unuyu humudacgic. ⁶Waŋu imi mia ieneŋ haka biria siŋa nimma waŋgic ésécnec neŋaŋ imuhucyanec ménda wamma kecbiŋ niŋac haka imuhucyanéŋ sésécac hiŋŋi nénécmiyec. ⁷Ionac murunec tosara ésécnec ini baniarawac welenŋ qeqe ic ménda wammu. Haka imuhucyawac waŋgic, ac yomuhuc ooyawac hezac; Ic embac ieneŋ mama tacma nene zéma doku selia nema yacma nezéléléŋ aria mezu.^m ⁸Waŋu ionac suginaiguc tosara ésécnec kaisero haka ménda wambiŋ. Kaiwe ai meme momacguc imuaru ic embac 23,000 humuma madacgic. ⁹Waŋu Miŋ Kewunina manam batuc ménda wammiwiŋ. Ieneŋ imuhuc waŋgic mokoleŋ eney inigic humudacgic. ¹⁰Waŋu ionarunec tosananéŋ waŋgic ésécnec ŋindic ŋuduc ac ménda zému. Ieneŋ imuhuc zégic metecmetec miŋinanéŋ metecgé énécmiyu qahac wandacgic. ¹¹Ionaru haka hiŋŋiyec imuhucyanéŋ séséc waŋ nénécmizac. Waŋu baec yomuac nalé tetecgiawac kecaŋziŋ neŋaŋaru pakeŋ ac waŋ nénécmimac niŋ kiwiiguc ooyawac hezac. ¹²Imuac mia naŋselizua zéma niŋzu imi eney mama unuwac niŋac técgina nimma kecmu. ¹³Ic séc hiŋŋi énécmianzac manam batuc imuhucya sac onac muru hiŋŋi énécmianzac. Anutu imi méŋzé méŋzéya qahac imuac niŋac manam batuc sécgina ogicogicya imi ménda waiyu hiŋŋi énécmimac. Waŋu manam batuc

^m 10:7 Mmh 32:6

hicŋi énécmimacac séc hia naŋselimu niŋac néŋgacma keŋkeŋawac hénia mihicŋi énécmimac.

Baniarawac olémbaŋa.

¹⁴Imuac mia inicsoroc sorochécna ini baniarawac welenŋ qeŋe ai imuac mia héŋacya mema kecmu. ¹⁵Ic niŋteŋic qinŋteŋic ŋinaguc énézéanŋua ésécneŋ ac waŋ énécmizua. Eŋaoc mia ac énézéua imi niŋgésigic. ¹⁶Sokociguc mériaŋac waiŋ doku, mériaŋ ac zéma neanŋiŋ imi Kristoac sacya amunec qamunec haka qahac me? Waŋu saméŋ méndémma neanŋiŋ imi Kristoac séwi busia amunec qamunec haka qahac me? ¹⁷Nene saméŋ hénia momacguc heyu saméŋ momacguc amunec qamunec wamma neanŋiŋ, imuac niŋac nini sasalanéŋ séwi busu momacguc wamma kecanŋiŋ. ¹⁸Séwiiguc Israel ic embac keczu ionac niŋŋic, mulu haima neanŋu imi eneŋ zaki téréyawac buŋa amunec qamunec ménda wamma kecanŋu me? ¹⁹Ac imi dimuhuc niŋac zézua? Iwawai baniarawac haimimia imi iwawai héla wanŋac me? Waŋu baniaŋa eŋeya imi iwawai héla wanŋac me? ²⁰Imuhuc qahac. Ic enia ieneŋ mulu haiŋanŋu imi Anutuac buŋa qahac, néŋ kuwic onac haiŋanŋu. Ni ini kuwic iniguc amunec qamunec wamma kecmu niŋac ménda wanŋua. ²¹Ini Miŋ Kewuac sokoc igucneŋⁿ zéma kuwicac sokoc igucneŋ momacneŋ nemuac séc qahac. Waŋu Miŋ Kewuac zaeiguc zéma kuwic ionac zaeiguc momacneŋ toroqema nemuac séc qahac. ²²Me neŋaŋ imuhuc wammanec kecma Miŋ Kewu nimbupuc mihicŋi miwiŋ me? Kucninanéŋ kuha ogiczac me?

Ninŋéŋ ninŋéŋ ic ionac keckec solaŋa.

²³Iwawai moczoŋ hia wambiŋac séc, néŋ iwawai moczoŋnéŋ méra ménda nénécmidacmac. Iwawai moczoŋ hia wambiŋac séc, néŋ iwawai moczoŋnéŋ ménda naŋgé nénécmidacmac. ²⁴Méŋnéŋ méŋ eŋeya naŋgé amumaŋ zé ménda hochoc ai memac, néŋ tosara onac naŋgé énécmimaŋ zé hochoc ai memac. ²⁵Ini nénnagémba sombenŋiguc yaŋ beric busia haigic heyu ewa qerigina solaŋanéŋ yomi omaya me kuwicac buŋa zéma ménda qesiamuma eŋ boŋ mema oma nemu. ²⁶Hénia imi yomuhuc; Baec zéma iwawaiya imuaru sécgéma hezac imi moczoŋ Miŋ Kewuarunec.^o ²⁷Ic enia méŋnéŋ héihéré énécmiyu amayaiguc emmuiguc, wéségina iguc iwawai haigic hezac imi imuac me imuac ewa qerigina solaŋa niŋac wamma zéqesi ménda wamma efima hia nedacmu. ²⁸Waŋu ic méŋnéŋ yomi baniarawac mulu haimimia zéma énézémaciguc imi, énézémac i zéma iwac ewa qeria solaŋa niŋac wamma iwawai imi ménda nemu. ²⁹Geŋga qahac, néŋ iwac ewa kétinŋ kétinŋawac zézua. Némac niŋ ic

ⁿ 10:21 Waiŋ sokoc. ^o 10:26 Leg 24:1

ménjac ewa qeri solañanéj hakana ziki sipacya qahac imuac zégési wañnémmac me? ³⁰Ni ewa hia nimma amunec qamunec wammañjiguc méréneñ némac niñac hakana ewa hia zézéyaguc imuac niñac zébiri néju nimbinec? ³¹Imuac ini nene zéma doku nemu, me haka ménjac ménj wammuiguc imi, Anutuac edamuyawac niñac wamma memu. ³²Ini Yuda ic me Girik ic me Anutuac hénaorij ieneñ inicma qonzontoj géwu niñac solañanec kecmu. ³³Haka hénia hénia wammañj séc, ic hénia hénia ewa hia mihicñi énécmima, nena nañgé amumañ zé hochoc ai ménda mema, ic sasala nañgé énécmimañ zé hochoc ai meanzua ni ésécnec wañ énécmigic Anutunéñ ionac añgéhina tiénécmimac.

11 ¹Ni Kristoac haka kéréndéñ méndac mianzua ésécnec ini imuhucyanec nuac haka méndacma wammu.

Mepé qepésiac haka solaña.

²Ini ai hénia hénia meanzu séc ni niñqeli némma mératéc haka ku énécmiyac séciguc tohoma kecanzu imuac niñac mepési énécmizua. ³Wañu yomi ménj zéwa niñasarimu niñac wanzua; Icy a icya ionac orucgina imi Kristo wanzac. Wañu embacac oruha imi icya wanzac. Wañu Kristoac oruha imi Anutu wanzac. ⁴Ic méñnéñ oruc usuyaguc zéwelec ai me bñañac ara zéauau ai mezac imi eñeya oruha Kristo gamu mihicñi mizac. ⁵Wañu embac méñnéñ oruc usuya qahac eñnec zéwelec ai me bñañac ara zéauau ai mezac imi oruha keczac icyawac gamu mihicñi mizac. Wañu embac imi oruc zucya moczoñ mericdacma keczac tanec imuhuc éséc wanzac. ⁶Imuac embac méñnéñ oruha usuya qahac kecmaciguc oruc zucya imi mericdacmac me hézérac gédacma kecmac. Wañu embac imi oruc zuc qahac kecmañ zé gamuya nimmaciguc oruc usuyaguc kecmac. ⁷Ic imi Anutuac tanec zéma edamuya wanzac imuac oruhaiguc usuya kileñ ménda haimacac hezac, néñ embac imi icyawac edamuya wanzac. ⁸Ic imi embac igucnec ménda memeyanéñ embacnéñ ic igucnec memeya. ⁹Wañu ic imi embacac niñ wamma ménda mihicñiyec, néñ embac imi icac wamma mihicñiyec. ¹⁰Hénia imuac niñac zéma kua meme uña ionac niñac wamma embacnéñ méra bacginaiguc keczac imuac asé kiwiya oruc usuya haima kecmac. ¹¹Wañu Miñ Kewuninawac qeriaiguc imi ic qahac embacnec ménda kecanzac. Wañu imuhucyanec embac qahac icnec ménda kecanzac. ¹²Embac icarunec hicñiyec^p ésécnec ic acguc embacarunec hicñiyec. Néñ momac yanda imi Anutu arunec. ¹³Ini eñaoc niñgésigic embac méñnéñ oruc usuya qahac Anutu zéwelec wammiyu hia sécgémac me? ¹⁴Wañu ic méñnéñ oruc zuc horua hemiyu iminéñ eñeya gamuya mihicñi mianzac imi ewa siñginawac boñ zalianéñ hia ménda ku énécmizac me? ¹⁵Wañu embac onac oruc zucgina imi usu

buḡawac énécmiyec imuac niḡ embac méḡnéḡ oruc ʒuc horua hemiyu, edamuyaguc wanʒac. ¹⁶Méḡnéḡ ac imi qemaḡac ʒéma yomuhuc nimmac. Haka imuhucya imi nini me Anutuac hénaoriḡ neḡaḡuc ménda hezac.

Miḡ Kewuninawac saméḡ téréya.

¹⁷Ini aʒoroanʒu nalé imuaru ménda naḡgé amuanʒu, néḡ mebiru amuanʒu imuac niḡac ini ménda ʒéhiaru énécmima ʒézé seli ac méḡ yomi énézémaḡ ʒé wanʒua. ¹⁸Walac imi ini hénaoriḡ tocgoanʒu nalé imuaru sugcinaiguc héndéḡ héndéḡ hicḡianʒac ʒégic nimma ac tosara imi ninʒéḡgéʒua. ¹⁹Waḡu nimba Anutunéḡ niḡu tuḡ diminéḡ solaḡa kecʒu imi hicḡitegicmac niḡ sugcinaiguc eḡac eḡac tuḡḡinaguc téamuma kecmuac hezac. ²⁰Hélawac ʒéwa niḡḡic; Ini momacnec aʒoroanʒu nalé imuaru imi Miḡ Kewuac saméḡ newiḡ ʒé ménda aʒoroanʒu. ²¹Némac niḡ, tosara imi eḡaḡ nene késama hama eḡac eḡac walac negic tosara imi yaka niḡ humumanec kecḡic tosara imi doku selinéḡ ewa soho mihicḡi énécmiyu kecʒu. ²²Eḡaḡ yaka neneac ama imi hocma imuhuc waḡanʒu me? Imi qahac waḡu, Anutuac hénaoriḡac niḡḡic mamaya waḡu maqeqeya gamu qeqe mihicḡi énécmianʒu me? Némac ac énézémaḡ? ʒéhiaru énécmimaḡ? Qahacḡucnec! Yéwéri imuac ʒéma ménda ʒéhiaru énécmimaḡ.

²³Imi mia hénia yomuhuc niḡac; Ni haka ku énécmiyi imi mia Miḡ Kewuarunec meyi. Miḡ Kewu Yesunéḡ siḡi méḡ Miḡ Kewu Yesu kéʒagic imuaru saméḡ mema ²⁴ewa hia ac ʒéma kuma yomuhuc ʒéyec; Yomi imi séwi busuna onac buḡa. Niḡqeli némma haka yomi wammu. ²⁵Saméḡ negic tecgéyu waḡ sokoc imuhucyanec nema yomuhuc ʒéyec; Sokoc yomi imi ʒikiziki qelia sacnanéḡ memeya. Nemu séc niḡqeli némma haka imi wammu. ²⁶Ini saméḡ ʒéma waḡ sokoc imi mema nemu séc Miḡ Kewuac humuc buḡa imi ʒéauma kecḡic inéḡ liliḡéma hamac.

²⁷Hénia imuac mia méḡnéḡ méḡ Miḡ Kewuac saméḡ me sokoc imi haka sicsaocyaguc nemac imi Miḡ Kewuac séwiya ʒéma sacya nesoho sohoyawac képésic mihicḡimac. ²⁸Imuac méḡnéḡ méḡ eḡeya niḡgési amumaguc saméḡ imi nema sokoc imi mema nemac. ²⁹Méḡnéḡ méḡ Miḡ Kewuac séwiya ʒéma sacya ménda héḡasarima nemac imi eḡeya képésic nemac tanec wammac. ³⁰Hénia imuac niḡac sugcinaiguc sasalanéḡ kuc mama ʒéma hafiginaguc wamma kecʒu. Waḡu tosara imi bec gau seli mihicḡima kecʒu. ³¹Neḡaḡ niḡgési amuyiḡiguc ménda niḡgési nénécmiwacnec. ³²Waḡu neḡaḡ niḡgési nénécmimac iguc imi ʒéqindiḡi waḡ nénécmimac. Imi mia baec ic iniguc momacnec ʒétecgé nénécmiyu képésicninaguc ménda wambiḡ niḡac imuhuc waḡ nénécmianʒac. ³³Imuac dacmuna hécna saméḡ newiḡ ʒé aʒoromu nalé imuaru imi mambéc amumu. ³⁴Méḡ imi neneac wammiyu walac eḡeya amaiguc nemac. Aʒoaʒoro sicsaocya waḡḡic képésic ginaguc ʒéénécmiwac niḡac. Yéwéri tosara imi ni nenaoc kec hama ʒémindiḡimaḡ.

Qeri uŋawac sese.

12 ¹Dacmuna hécna ini qeri uŋawac sese imuac hénia niŋasarimu niŋac wanŋua. ²Ini becneq ic enia kecgcic imuaru siŋginanéŋ héihéré énécmima onagiru baniara ac ménda zézéya imuhucyawac muru rouc wamma kendacgcic. ³Imuac ni zéasari énécmizua; Méŋnéŋ méŋ Anutuac Uŋaguc ac zéanŋac imi Yesu imi saecac buŋa imuhuc ménda zémac. Waŋu Uŋanéŋ ménda nanŋgé énécmiyu méŋnéŋ méŋ Yesuac Miŋ Kewuna zémacac séc qahac.

⁴Ewa hiawac ai buŋa imi hénia hénia, néŋ Uŋa imi momacguc. ⁵Ai memecac nananŋina imi hénia hénia, néŋ Miŋ Kewugina imi momacguc. ⁶Ai haka imi hénia hénianéŋ icya icya ionac muru ai haka imuac me imuac moczoŋ wamma meanŋac imi Anutu momacguc. ⁷Waŋu ic miŋ séc nanŋgé énécmimanŋ zé Uŋa téréyanéŋ aiginaiguc eŋeya mewinini amuanŋac. ⁸Méŋac imi Uŋa téréyawac murunec niŋtegcic qiŋtegcic ackuaŋzéc, méŋac imi Uŋa Téréya iminéŋnec mia niniŋ hénia héniaiwac ackuaŋzéc, ⁹waŋu méŋac imi Uŋa Téréya iminéŋnec niŋzéŋ niŋzéŋ, méŋac imi Uŋa Téréya iminéŋnec hafi zepa mehia hiaruac ai buŋa seseya, ¹⁰Waŋu méŋac imi kiwi méréra memeyawac kuha, méŋac imi Anutuac bianŋac ara zézé, méŋac imi uŋa hénia hénia inictegic tegira, méŋac imi ac méréra zézé, méŋac imi ac méréra imuac hénia melemma zéasac asariac ai buŋa énécmiyec. ¹¹Ai haka imi moczoŋ Uŋa Téréya momacgucnéŋ medacanŋac. Waŋu eŋeya ewa siŋa méndacma méndémma icya icya énécmianŋac.

¹²Ic neŋaŋ séwinina imi momacgucnéŋ séwininawac tasia imi sasala hemizac. Waŋu séwiac tasia imi sasalanéŋ séwi momacguc hemizac ésécnec Kristo acguc imuhucyanec. ¹³Nini imi Yuda ic me Girik ic, welenŋ qeŋe ic me miŋ maŋgoc waŋamuma kekera, moczoŋ Uŋa Téréya momacguc néŋnec^q naec nénécmiyu séwi momacguc wamma Uŋa momacguc imi doku ésécnec nénécmiyu neyiŋ. ¹⁴Waŋu séwi imuac tasia imi momacguc qahac, néŋ sasalanec. ¹⁵Waŋu hénanéŋ ni méra qahac, imuac séwiiguc ménda toroŋeŋeŋ zéwacnec séwiiguc ménda toroŋeŋeŋ hia wammac me? ¹⁶Waŋu gezacnéŋ ni kic qahac imuac séwiiguc ménda toroŋeŋeŋ zéwacnec séwiiguc toroŋeŋeŋ hia ménda wammac me? ¹⁷Séwi howiacnéŋ kic wammaciguc hétéŋ hiŋŋiyu dimuacnec nimmac? Waŋu séwi moczoŋnéŋ hétéŋ niniŋa wammaciguc dimuacnec héméŋa nimmac? ¹⁸Waŋu Anutunéŋ ewa siŋa méndacma séwi tasia hénia hénia séwiiguc haiyu hezac. ¹⁹Séwi tasé momacguc sac hewacnec séwi eŋeya dimuaru hia hemac? ²⁰Imuac séwi taséhéra imi sasalanec, néŋ séwi imi momacguc. ²¹Waŋu kicnéŋ mérawac ni gi

^q 12:13 Me momacgucac qeriaiguc.

qahac hia kecmanj zéyu, orucnéj hénawac ézéma gi qahac ni hia kecmanj zémacac séc qahac. ²²Néwéciguc, séwi tasé tosarawac niñni mamaya tanec wanju, néj imi moczoj aiginaguc sasala. ²³Waju séwininawac taséhéra maqeqeya imuhucyawac niñni eeginaguc waju usu hiabianéj héiénécmianziñ. Waju séwi tasé gamuginaguc imuhucyawac niñni héla wanjanzac. ²⁴Waju séwi tasé tanecgina hiabia ienenj imi imuac me imuac zéwelectmuac ménda hezac. Anutunéj séwi tasé mamaya ionac eegina ogicma héima séwinina imuhuc arengéma meyacgé nénécmiyec. ²⁵Waju imuhuc meyu séwi tasé eñac eñac ménda méndéñ amuma séc momacguc galengé amuma kecanju. ²⁶Tasia méñnéj qenzerj qeyu tosara moczoj imuhucnec momacnec geriwa niñanzu. Waju tasia méñnéj edamuyaguc waju tosara moczoj imi momacnec ségiségi wanjanzu.

²⁷Ini imi Kristoac séwi zéma séwi taséhéra wamma kecju. ²⁸Anutunéj imi hénaoñij héra neñanaru ai ic yomuhuc kumu nénécmiyec; Walac imi Yesuac Méliméli ic, imuacnec bianjac ara zézé ic, ai imuacnec kiwi ic zéma kiwi méréra memeya, zéma hafi zepa mehiahariuac ai buña seseya, zéma qenanjá ai, zéma galen ai, zéma ac méréra zézé ai imuhucnec hai nénécmidarec. ²⁹Momac yanda Yesuac Méliméli ic wanzij me? Momac yanda bianjac ara zézé ic wanzij me? Momac yanda kiwi ic wanzij me? Momac yanda kiwi méréra meme ic wanzij me? ³⁰Momac yanda hafi zepa mehiahariu ic wanzij me? Momac yanda ac méréra zézé ic wanzij me? Momac yanda ac méréra imuac hénia zéauau ic wanzij me? ³¹Waju ini ai buña seseya, séc méñ tosara onogicma eñeña wanzac imuac qerigina hélacnec ewa ewa wammu.ʻ Waju ni hénia méñ tosara onogicma solaña wawanawac zéwa niñgic.

Goi héihéiac haka.

13 ¹Ni baec ic zéma kua meme uña ionac ac hénia héniaiguc ac zémanec kileñ goi héihéi qahac keczuaiguc, ni imi goñgoñ qacqaraguc zéma aij hétéñaguc tanec wanzua. ²Waju ni bianjac ara zéma ac saña moczoj zéma ninij moczoj niñasarima imuacnec ninzéñ ninzéñ baec boña méñ hia ézéwa yacma kemmacac séc késa keczuaiguc kileñ goi héihéi qahac keczuaiguc imi ni eñomia wanzua. ³Waju nena iwawai moczoj méndéñ énécmianzua iguc, waju imuacnec séwina gericiguc hai énécmiwa zedaruguc kileñ goi héihéi qahac keczuaiguc imi héla méñ ménda késakeczua.

⁴Goi héihéinéñ nalé horua bisiqatéñ waj énécmianzac, goi héihéinéñ gum bénzénzén waj énécmianzac, waju nimbupucya qahac, waju tétéc qeqe qahac, séwi eñeñ qahac, ⁵Géréñu nézénj qahac, ewalima késa kekec qahac, kiu séléléc wammiyu qeri biric ménda ninzac, képésic késa kekec

r 12:31 Me nimbupuc wanjanzu.

qahac. ⁶Imi birianéj sécgéma keŋu ewa hia ménda nimma ac hélawac wamma ségiségi waŋanzac. ⁷Goi héihéinéj yéwéri momac yanda bisiqatéj wamma iwawai moczoŋ ninzéŋgéma iwawai moczoŋ niŋkumu wamma iwawai moczoŋiguc naŋselimac.

⁸Goi héihéi imi tetcgiaya qahac hema emma kecmac, néj biaŋac ara qaiyu, ac méréra acguc tecgéyu, niniŋ momacnec qahac wandacmac. ⁹Nini hénia bakia sac niŋasarima biaŋ ac imi bakianec zéanzij. ¹⁰Imuac hénia howia hélanéj hicŋiyu bakianec zézéya imi moczoŋ tecgédacmac. ¹¹Ni komocnaiguc imi nambérac ésécnec ac wamma nambérac ésécnec niŋtegicma nambérac ésécnec niŋaŋi, néj ic kunéj wamma nambérac haka silic imi hetecgédari. ¹²Nalé yomuaru imi nini wikiŋiguc héŋanzij ésécnec méiméiyawac héŋanzij, néj nalé hahaya imuaru imi musunina séc aŋambiŋ imuhucyanec hémbiŋ. Deguc imi bakia sac niŋasarianzij, néj nalé imuaru imi Miŋ Kewunéj ni niŋyacgé néŋanzac ésécnec ni solaŋanec niŋasarimaŋ. ¹³Imuac ninzéj ninzéj zéma niŋkumu zéma goi héihéi haréwéc imi nalé séc hemac, néj sugcinaiguc goi héihéinéj éréhéc orogicma eŋeŋa wanŋac.

Biaŋac ara zézé zéma ac méréra zézéyawac sese.

14 ¹Goi héihéiac hénia imi seliseli wamma méndacmu. Waŋu qeri uŋawac sese hénia hénia niŋac wammu, néj ai buŋa sasala imuarunec Anutuac gezac qézéŋ acwac niŋgic eŋeŋa waŋu imi zéhicŋiwiŋ zé seliseli wammu. ²Ic ménj ac méréra zéanzac imi Uŋa téréyanéj wammiyu ac saŋa zéyu ic tosara eneŋ hénia ménda niŋasarianzu. Imuac niŋac inéj ic onac ménda énézéanzac, néj Anutuac ézéanzac. ³Néj Anutuac biaŋac ara zéhicŋianzac imi eneŋ ic onac énézéma zénaŋgé énécmima meme seli ac waŋ énécmima héibélac qéibélac waŋ énécmianzac. ⁴Ac méréraiguc ac zéanzac inéj eŋeya naŋgé amuanzac, néj Anutuac ackuazéc zéhicŋianzac inéj héniaorij meyac énécmianzac. ⁵Ni imi ini moczoŋ ac méréra zému niŋac wanŋua, néj Anutuac biaŋac ara imi niŋgic tosara onogicma eŋeŋa waŋu sasala zéhicŋimu niŋac wanŋua. Ac méréra zéma héniaorij naŋgé énécmimaŋ zé hénia ménda melemma zéhicŋi wanŋaciguc Anutuac biaŋac ara zéanzac inéj i ogicma kunaŋa wanŋac.

⁶Imuac dacmuna hécna ni onaru hama hénia zéauauyawac ara zéma niniŋ zéma biaŋac ara zéma pakeŋ ac ménda zéma ac méréraiguc ac énézéwa iminéj dimuhuc naŋgé énécmimac? ⁷Kuŋa me mimisule, iwawai kekecy a qahac imuhucyanéj legic maraya dindiŋanec ménda qaru mérénéj legic imuac hénia niŋtegicmac? ⁸Waŋu témuŋnéj hétéŋ sicsaocy a qaru mérénéj yaréac zéréŋ qéréŋ hia wammac? ⁹Ini imuhucyanec ezelaŋ ginanéj ac niŋtegicbiaŋac séc imuhucya ménda zégic ac zézégina imi dimuhuc niŋasarimu? Acgina eŋ zégic sawaiguc

kenjsohozac. ¹⁰Ac ewa hénia hénia baeciguc hezac, néj ac ewa hénia qahac ménj ménda hezac. ¹¹Imuac ic ménjnéj zéyu ni imuac hénia ménda niņasarimaņiguc ni imi ac zézac iwac muru ic enia wamba i acguc nuac muru ic enia wammac. ¹²Imuac ini acguc Uņawac ai buņa niņac waņanzu. Imuac héniorij naņgé énécmiwij zé sécgé énécmimac niņ seliseli wammu. ¹³Imuac ac ewa méréraiguc zéanzac imi ac melenj melenjawac kuha niņac zéwelec wammac. ¹⁴Ni ewa méréraiguc zéwelec wammaņiguc imi mia qeri uņananéj zéwelec wanzac, néj nuac ewa qerinanéj héla ménda mihicjizac. ¹⁵Imuhuc waņu dimuhuc wammaņ? Ni Uņananéj zéwelecma ewa qerinanéj momacnec zéwelecmaņ. Waņu uņananéj legic héimima ewa qerinanéj momacnec legic héimimaņ. ¹⁶Imuhuc ménda wambésémaņiguc imi uņaganéj mériaņ ac énézéwésémaņiguc ic sese imuhucya qahac kecanzu imi enej gi némac ac zézanj imi ménda niņasarima dimuhuciguc guac ewa hia ac nimma hélacnec hia zémac? ¹⁷Gi ewa hia ac hia zézanj, néj acga iminéj tosara ménda naņgé énécmimac. ¹⁸Ni ini moczoņ onogicma ac méréra hénia hénia sasala zéanzuwac Anutu ewa hia ézézua. ¹⁹Waņu héniorij amaiguc tosara ku énécmimaņ zé ackuazéc éréhécdac ewa qerinanéj niņasarizac imuac hia zémaņ, néj ac méréra 10 tauseņac séc horua zémaņ zé nimba mamaya wandaczac.

²⁰Dacmuna hécna niņtegic qiņtegiciguc imi kokoc éséc ménda wammu, néj Haka biriaiguc imi kokoc éséc wammu. Niņtegic qiņtegiciguc imi ic kunej éséc wammu. ²¹Héna aciguc yomuhuc ooyawac hezac; Miņ Kewunéj yomuhuc zézac; Ni ac méréra zéanzu ionac ezelaņgina zéma ic enia ionac kua tasé mema ic embac yomi énézémaņ, néj kilej ménda niņtohomu.^s ²²Imuac ac méréra imi ninzéj ninzéj ic onac buņa qahac, néj ic enia ionac asé kiwi wanzac. Anutuac biaņac ara imi ic enia onac qahac, néj ninzéj ninzéj ic ionac buņa wanzac. ²³Imuac héniorij momac yandanéj tocgéma momacnec ac méréraiguc zémuiguc ic tosara imuac hénia ménda ninzu imi enej zéma ninzéj ninzéjgina qahac imi enej éréma inicma ewagina sohozac ménda zému? ²⁴Waņu momac yanda enej Anutuac biaņac ara zéhicņima tacmuiguc imi, ic enia me omaya éréma ic momac yanda ionac murunec zéqindiņi ac zéma gésigési ac waņ énécmimia wammac. ²⁵Waņu ewa qeriginaiguc niniņ musaņ musaņgia imi usuya auyu hicņitegiru Anutuac sicgémima mepésimima Anutunéj hélacnec suginaiguc keczac zéma zéaumu.

**Ai areņa méndacma mepé
qepési ai memu.**

²⁶Imuac dacmuna hécna dimuhuc wambiņ? Ini azoromu séc legic zéra zéma pakej ac zéma ackuazéc zéauauya zéma ac méréra zéma ac

^s 14:21 Yes 28:11, 12

melej melej momacnec heanzac imuac imi moczoŋnĕj nanĝĕ amuwij zĕ wamma memu. ²⁷Mĕjĕnĕj ewa mĕrĕraiguc ac zĕmaciguc ĕrĕhĕc me harĕwĕc sac wai ĕnĕcmigic zĕmu. Waŋu momacnec qahac, nĕj ic mĕjĕnĕj zĕyu tecĝĕyu ic mĕjĕnĕj zĕmac. Waŋu mĕjĕnĕj hĕnia melemma ĕnĕzĕmac. ²⁸Ac melej mĕj mĕnda keczaciguc hĕnaorij amaiguc ara qaiyu bĕnzĕj kecmac, nĕj zĕmaŋ zĕ eŋeyanec Anutuaru zĕmac. ²⁹Waŋu Anutuac biaŋac ara zĕhicŋianzu imi biaŋac ara zĕwiŋ zĕ ic ĕrĕhĕc me harĕwĕcnĕj zĕmu. Waŋu tosara imi nimma niŋĝĕsimu. ³⁰Waŋu ic mĕj momacnec taczac iwac muru Uŋa tĕrĕyanĕj ackuazĕc zĕaumaciguc, walac hĕnima zĕzac inĕj waima bĕnzĕjĕnec tacmac. ³¹Ini momac yanda ninij hĕiqelima qeri efi mihicŋimu niŋac biaŋac ara imi areŋa mĕndacma ic mĕjĕnĕj zĕyu tecĝĕyu mĕjĕnĕj zĕyu kemmac. ³²⁻³³Anutu imi ai memaŋ zĕ sicsaoc qahac, nĕj luaeyaguc meanzac. Imuac niŋac biaŋac ara zĕzĕ ic ionac uŋahĕcĝina imi biaŋac ara zĕzĕ ic ionac mĕra bawu kecma luaeguc mambĕc kecanzu.

Mĕtĕrĕ ic momac yanda azoazoroiguc waŋanzu ĕsĕcnec ³⁴embac enĕj hĕnaorij suginaiguc acĝina waima bĕnzĕjĕnec kecmu. Ionac imi ac zĕmu niŋac mĕnda zĕĕnĕcmimia. Waŋu hĕna aciguc hezac sĕc euhĕcĝina mĕra bacĝinu kecmu. ³⁵Ninij mĕjĕc mĕj hĕiqeliwiŋ zĕ wanzuiguc imi eŋaŋ amaiguc euhĕcĝina qesiĕnĕcmimu. Embacnĕj hĕnaorijiguc ac wawaŋa imi gamuyaguc wanzac. ³⁶Anutuac ackuazĕcnĕj onac murunec hicŋiyec me eŋacnec sac kecĝic hicŋi ĕnĕcmiyec?

³⁷Onarunec mĕjĕnĕj eŋeyawac niŋu kua meme ic wanzac me Uŋa tĕrĕyayaguc wanzaciguc imi ac oĕnĕcmizua yomi kewuac zĕzĕ seli ac imuhuc zĕma niŋtegicmac. ³⁸Mĕjĕnĕj mĕj hĕnia yomi mĕnda niŋtegicmaciguc ic imi mĕnda niŋmimia wammac. ³⁹Imuac dacmuna hĕcna ini Anutuac biaŋac ara imi zĕhicŋiwiŋ zĕ seliseli wammu. Waŋu ewa mĕrĕraiguc ac zĕzĕ imuac neuŋ mĕnda hĕimu. ⁴⁰Ai haka hĕnia hĕnia moczoŋ sĕcya mĕnda ogicma ai areŋ mĕndacma wamma memu.

Kristo humuc igucnec qelima yarec.

15 ¹Dacmuna hĕcna buŋa suruc hiabia ĕnĕzĕyi imuac ku ĕnĕcmiwa niŋzu. Imi mia ini bec aŋĝĕtigic. Aŋĝĕtima imuac qeriaiguc naŋselima kecanzu. ²Ini ackuazĕc neŋ ĕnĕzĕyi imi eŋ mĕnda niŋzĕŋĝĕma selianec kĕsa keczuiguc imi niŋzĕj niŋzĕj imuac qeriaiguc aŋĝĕŋĝina tiĕnĕcmimia wammac. ³Ni nĕŋu meyi imuac mia walac onac ĕnĕzĕyi. Kiwi tĕrĕyaiguc hezac sĕc Kristonĕj kĕpĕsicninawac wamma humuyec. ⁴Humuyu tĕŋĝĕgic kiwi tĕrĕyaiguc hezac sĕc ai meme harĕwĕc waŋu muŋguc humuc igucnec qelima yarec. ⁵Yacma walac Kefawac hicŋimiyec. Imuacnec tohotoho ichĕra 12 ionac hicŋi ĕnĕcmiyu hĕŋĝic. ⁶Imuacnec niŋzĕj niŋzĕj dacmuna 500 aŋoroma kecĝic winini ĕnĕcmiyu momacnec hĕŋĝic. Ionarunec sasalanĕj qeliqeli keczu, nĕj efĕfianĕj humugic.

7 Imuacnec éréma Yakobo hicñimiyu héñec. Wañu imuacnec Yesuac Méliméli ic momac yanda hicñi énécmiyu héñgic. 8 Tetcgiaiguc naléna ménda héiyunec kemañu téma hicñiyi nidac imuhucya acguc hicñinéñu héñi. 9 Ni imi Yesuac Méliméli ic ionac sugcnaiguc mamayagina téñgég. Ni Anutuac hénaorij ununesi wañ énécmiyi imuac niñac Yesuac Méliméli ic zéma nurugic nimba ménda sécgéanzac. 10 Wañu Anutuac ewa hia igucnec ni sécna wamma kecanzua. Ewa hiawac buña néñec imi eñ ménda heyu ni Yesuac Méliméli ic momac yanda onogicma ai kuneñ yanda meyi, néñ imi mia nena qahac, néñ niguc momacnec kecanzac Anutu iwac ewa hia igucnec. 11 Neñ me ieneñ imuhuc zéau énécmi ini imuhuc ninzégéma keczu.

Humuc ic ionac qelima yacyac.

12 Kristo imi humuc igucnec qelima yarec imuhuc énézéni niñgicguc dimuhuc sugcnaiguc tosanéñ humuc igucnec qelima yacyac imi ménda hezac zéañu? 13 Humuc igucnec yacyac ménda hewacnec Kristo acguc muñguc ménda yacbacnec. 14 Kristo ménda yareciguc ackuazéc nini zéauanzij imi eñomia wanzac. Wañu ninzég ninzégina imi acguc eñomia wanzac. 15 Wañu imuacnec nini imi Kristonéñ humuc igucnec meqelimiya yarec zéma héipuc ac wañ énécmiyiñ hénia imuac niñac Anutuac héipuc ic ikochéra kecziñ imi hicñiteguru ninicdabunec. Humuc igucnec yayac qahac wambacnec Anutunéñ Kristo humuc igucnec muñguc ménda meqeliwacnec. 16 Humuc igucnec yacyac ménda hezaciguc Kristo acguc humuc igucnec ménda meqelimiya yacbacnec. 17 Kristo imi humuc igucnec ménda meqelimiya yacbacnec ninzég ninzégina imi acguc eñomia wañu ini késpedes qeriaiguc kecgicac kecbunec. 18 Wañu Kristoac qeriaiguc humuma keczu imi acguc qahac wandabunec. 19 Kristoac qeriaiguc neñañ niñkumu wañanzij iminéñ baec yomuac sac wambacnec ic embac sugcnaiguc neñañ imi tosara onogicma ewa biricninaguc wambiñec.

20 Néñ Kristo imi hélacnec humuc igucnec qelima yarecac gau seli keczu ionac héla gocmia walac walac wanzac. 21 Humuc imi icac murunec, imuhucyanec humuc igucnec yacyac imi acguc icac murunec hahaya. 22 Adamwac qeriaiguc ic embac moczoñ humugic ésécnec Kristoac qeriaiguc ic embac moczoñ kecec mihicñimu. 23 Wañu areña zézéya séc méndacma hicñi énécmimac. Walac imi héla gocmia méréra Kristo, imuacnec Kristonéñ lilingéma hayu iwac buña kekera. 24 Imuac andiaiguc imi nalé tetcgia hamac. Inéñ ic kewuya kewuya zéma ic qac buñaguc zéma kuc buñaguc imi moczoñ mebiri énécmima héñgaleñ ama areña yanda imi mañgocya Anutuac muru haimimac nalé imi mia hamac. 25 Inéñ ic kewu kecmanec hazéchéra moczoñ eñeya héna duandiaiguc onopocmacac hezac. 26 Wañu hazécya nalé tetcgiaiguc qemacac

hezac imi humuc. ²⁷Anutunéŋ iwawai moczoŋ iwac héna duandiaiguc onopocdarec.^t Imuac iwawai moczoŋ héna duandiaiguc hezac zéyec nalé imuaru iwawai moczoŋ iwac héna duandiaiguc onoporec Anutu eŋeya imi ménda toroqema zéyec imi hicŋitegiczac. ²⁸Iwawai moczoŋ iwac héna duandiaiguc onopocmac nalé imuaru imi naŋa eŋeya acguc iwawai moczoŋ héna duandiaiguc onoporec iwac muru sicgémimacac hezac. Imi mia Anutunéŋ iwawai momac yanda imuac miŋina kecma iwawai moczoŋ imuac qeriaiguc acguc sécgémac kecmac niŋ imuhuc waŋec.

²⁹Qahac waŋu, humuc ic ionac niŋac wamma doku naecanŋu imi eneŋ némac wammu? Waŋu humuc ic ieneŋ kileŋ ménda yacmuiguc némac niŋac ic embac humuc ic ionac niŋ wamma doku naec haka waŋanŋu? ³⁰Waŋu nini némac niŋac zérabéra qahaiguc emmanec kecbiŋ? ³¹Dacmuna hécna, ni Kristo Yesu Miŋ Kewuninawac qeriaiguc mepé qepésina waŋu onac niŋac wamma zéhiaru amumanec kecma ni kaiweya kaiweya humuanŋua. ³²Ni Efeso ama areŋa yandaiguc baec icac niŋkumu niŋacnec sac wamma yaŋ zécginaguc yaré waŋiiguc imi némac héla méŋ hicŋinémmac? Humuc igucnec yacyac ménda hezaciguc oraŋ humuwiŋac hezac, imuac nezéléléŋ wammanec kecbiŋ hia zéwiŋnec.^u

³³Ikoc waŋ énécmiwu niŋac, ic ala biria eneŋ haka hiabia mesohoanŋu.

³⁴Ewa solaŋaiguc liliŋgéma késpedes ménda wamma haka solaŋa wamma kecmu. Onarunec tosianéŋ Anutu ménda nimmianŋu imuac gamugina nimmu niŋac imuhuc zézua.

Séwi qelia humuc igucnec yacyacwac buŋa.

³⁵Tosianéŋ yomhuc gezaŋ zému; Humuc ieneŋ dimuhuc muŋguc yacmu? Waŋu séwi tanecgina imi dimuhucyanéŋ yacmu? ³⁶Ac qelaŋa zézé ic ini! Iwawai gocmia qesaanŋu iminéŋ ménda humumaciguc imi kekecyaguc muŋguc ménda érémac. ³⁷Waŋu iwawai himicanŋu imi kecma érémacac hezac iwawai howia imuac ménda himicanŋu, néŋ padi me tosara imi gocmianec himicanŋu. ³⁸Waŋu Anutunéŋ eŋeya ewa siŋiguc tanecgina énécmiwa gocmia hénia hénia imuac séc tanecgina hénia hénia hai énécmiyec. ³⁹Séwi tanecgina acguc imuhucyanec qahac, eŋac eŋac. Méŋ imi icac séwi, méŋ imi yaŋ onac séwi, méŋ imi nei onac séwi, waŋu méŋ imi lambéc onac séwi. ⁴⁰Séwi tanec tosara imi Kurumenŋarunec, séwi tanec tosara imi baecarunec, waŋu kurumenŋiguc kekera ionac edamugina imi séc méŋ, waŋu baeciguc kekera ionac edamugina imi séc méŋ.

⁴¹Kaiwe asaha imi séc méŋ, maso asaha imi séc méŋ, ménni sikiluac asaha imi séc méŋ, waŋu ménni sikilu eŋaŋ edamugina imi eŋac eŋac.

⁴²Humuc igucnec yacyac imi acguc imuhucyanec. Himicanŋiŋ imi humuma qahac wawaŋa, waŋu imuacnec yacyacwac buŋa imi ménda

^t 15:27 Leg 8:6 ^u 15:32 Yes 22:13

humuma qahac wawaŋa. ⁴³Iwawai eeya qahac imuhucyanéŋ himicma iwawai edamuyagucnéŋ yacbiŋ. Iwawai bébélaçgia himicma iwawai selianéŋ muŋguc yacbiŋ. ⁴⁴Séwi busunéŋ himicma uŋawac tanecnéŋ muŋguc yacma kecbiŋ.

Séwi busuac tanera hezac, imuac uŋawac tanera imi acguc hezac. ⁴⁵Yomuhuc ooyawac hezac, Ic walac hicŋihicŋiya Adam imi séwiac ic kekecyaguc waŋec.^v Waŋu Adam tetcgia hahaya imi kekec énécmiawac uŋa waŋec. ⁴⁶Waŋu walac imi uŋawac buŋa qahac, néŋ séwiyaguc, imuac andiaiguc hahaya imi uŋawac buŋa wançac. ⁴⁷Walac imi baeciguc hicŋiyec imuac baecarunec. Andiaiguc hahaya imi kurumeŋ igucnec hahaya. ⁴⁸Baecarunec imi moczoŋ baecac buŋa tanec, kurumeŋarunec imi moczoŋ kurumeŋac buŋa tanec ésécnec. ⁴⁹Waŋu nini imi imuhucyanec baec icac murunec tanec meyiŋ imuhucyanec kurumeŋ icac murunec tanec mewiŋ.

⁵⁰Dacmuna héçna ac mén yomi zéwa niŋgic; Sac zéma séwi busunéŋ Anutuac héŋgaleŋ ama areŋa yanda imi mératéc ménda aŋgéŋ timac. Waŋu houhouyanéŋ iwawai ménda houhouya imi mératéc ménda aŋgéŋ timacac hezac. ⁵¹Niŋzu, neŋ onac muru ac saŋa mén zéwa niŋgic; Nini moczoŋ gau seli ménda hewiŋ, néŋ témuŋ tetcgiawac qaru focdac élanzaŋnec melemma qelia wambiŋ. ⁵²Tomuŋ qaru humuc ic eneŋ iwawai ménda houhouyanéŋ muŋguc qelima yacmu. Waŋu neŋaŋ acguc melemma qelia wambiŋ. ⁵³Séwi houmacac hezac yominéŋ séwinina ménda houhouyawac usu ésécnec héini hiŋgacmac. Humucac buŋa yominéŋ hehe seliac buŋa héimac. ⁵⁴Houhouyawac buŋa yominéŋ hehe seliac buŋa héiyu humucac buŋa yominéŋ kekec seli héimac nalé imuaru imi, Anutuac kuhanéŋ ogiru humuc imi qéçgé mimia wammac imuhuc ooyawac hezac imi moczoŋ seligidacmac.^w ⁵⁵Humuc gi néma kucganéŋ ogicqogic wambésémaŋ? Humuc gi waiga dimua?^x ⁵⁶Humucac waiya imi késpedesic, waŋu késpedesic kuha imi héna ac wançac. ⁵⁷Neŋaŋ Miŋ Kewunina Yesu Kristonéŋnec ogicqogirawac kuc nénécmiançac Anutu iwac muru ewa hia ac ézézua. ⁵⁸Imuac dacmuna soroc héçna seligima namma hérékeŋ héréha ménda wamma nalé séc Miŋ Kewuninawac ai seliseli wamma memu. Imi mia onac kuc qeçe ai iminéŋ Miŋ kewuac qeriaiguc eŋnec ménda sohomac.

Méra énécmiawac haka.

16 ¹Deguc yomi imi ic embac téréya ionac sese toçgému imuac ara; Ni bec Galatia hénaoriŋ énézéyi imuac séciguc ini imuhucyanec wammu. ²Sondaya Sondaya^y ini eŋac eŋac soukiwa mihicŋigic

^v 15:45 Hén 2:7 ^w 15:54 Yes 25:8 ^x 15:55 Hos 13:14 ^y 16:2 Girik aciguc; Sondawac ai meme walac walaha séc.

saménaguc he énécmiyu séc goiya héima toroqema haigic tacmac. Enj kecgic onaru hawa soukiwaguc qutulañgéwu niñac. ³Onaru haman imuaru ic tosarawac niñgic sécgéyu kiwi énécmima méli énécmiwa sese imi mema Yerusalem kemmu. ⁴Wañu nuac niñgic sécgéyu ni acguc kemba Ienej niguc momacnec hia kembinj.

Eñeya méra mimac niñ énézéc.

⁵Ni Makedonia baec imi qericma kemmanj zé wanzua imuac Makedonia baec qericma kemmaguc onac muru hama inicmanj. ⁶Hama iniguc kecmanj gezanj. Iniguc kecba nalé sanjeña imi hia kendacmac. Imi mia imuhuc wamba enej mia hénana mindinima méli néñu imuaru me imuaru kemmanj. ⁷Miñ Kewunéñ niñu sécgéyu onac muru hama iniguc nalé tosara kecmanj zé ninzua. Imuac mia nalé yomuac imi onogicmanec hotoñadac inicmanj zé ménda wanzua. ⁸Ni Efeso ama areña yandaiguc kecba ai meme 50 imuac kendorj wammac zéma ninzua. ⁹Hénia imi yomuhuc; Ai kuneñ yanda hélaguc sasala mihicñimañac séc nagu béréngé néñu, hazéc ic acguc sasala hicñima keczu imuac mia imuhuc ninzua.

¹⁰Timoteonéñ onaru hamaciguc héñgaleñ wammigic bac yandi yandi ménda wamma sugcinaiguc kecmac. Ic imi ni ésécnec Miñ Kewuac ai seliseli wamma meanzac hénia imuac niñac imuhuc wañmimiawac hezac. ¹¹Imuac iwac niñac niñgic mamaya ménda wammac. Wañu luaeguc mélimigic nuaru liliñgéma hamac. Ni zéma ninzénj ninzénj dacmuna hécna imi iwac mambéc kecziñ.

¹²Ninzénj ninzénj dacmuna Apolo iwac imi dacmuna tosara iniguc onac muru kemmu niñ hatac sasala zénañgé miyi, néñ nalé yomuac imi kemmanj zé kileñ ménda efizac. Wañu nalé méñac niñu sécgéyu hamac.

¹³Ini qeriginanéñ técgina nimma kecma ninzénj ninzénjiguc nañseligima ic hélawac séc seligima kecmu. ¹⁴Wañu ai memu séc goi héihéiyaguc mema wammu.

¹⁵Ini Sitefana zéma hénia géséhéra ieneñ Akaia baeciguc walac walac ninzénj ninzénj ic embac wañgic imi zéma météré ic embac welenj qeénécmiwiñ zé efianzu imi ini ninzu. Imuac ini zénañgé énécmizua. ¹⁶Ic embac imuhucya zéma tosara momacnec ai mema kucqege wañanzu séc acgina niñtoho wañ énécmimu. ¹⁷Stefano zéma Fotunata zéma Akaiko ieneñ imi onac wañ néñu kic tanecgina késama hayic ewana hiaruyu kecanzua. ¹⁸Ieneñ imi ni zéma ini momacnec ewa qerinaiguc ségiségi mihicñi nénécmigic. Imuac ini ic imuhucya imi niñénécmimu.

Tetecgiawac yaizé ac.

¹⁹Asia baeciguc héniorij tuña tuña keczu imi enej onac yaizéégina zézu. Akila zéma Priska zéma amagiraiguc héniorij tocgoanzu imi enej

acguc Miŋ Kewuninawac qeriaiguc onac yaižézégina zézu. ²⁰Ninžéŋ ninžéŋ dacmuna momac yanda acguc yaižézégina zézu. Imuac eŋaoc kiricne téréya waŋamuma yaižézégina zéamumu.

²¹Yomi Paulo ni nena mérananéŋ oma yaižézégina zézua. ²²Méŋnéŋ méŋ Miŋ Kewu goiya ménda héimac imi saecyaguc wammac. Miŋ Kewunina gi hawésémaŋ!^z

²³Miŋ Kewu Yesu Kristoac ewa hianéŋ iniguc hema kecmac. ²⁴Goi héihéinanéŋ Kristo Yesuac qeriaiguc tuŋ iniguc momacnec hema kecmac.^a

^z 16:22 Aram aciguc; Marana ta. ^a 16:24 Kiwi méranéŋ ooya tosaraiŋuc kiwi yomuac tetcgiaiguc, Hélacnec! ogic hezac.